

THE CHINESE-JAPANESE LIBRARY
OF THE HARVARD-YENCHING INSTITUTE
AT HARVARD UNIVERSITY

MAY 5 1956

T5403 / 2281

劉文成公集八

七言古
五七言律





太師誠意伯劉文成公集卷之十四

哈佛大學哈佛燕京圖書館珍藏印

七言古詩

後學麗水何鏗編校

為祝彥中題山水圖

高軒玲瓏不受暑半幅輕綃宿烟雨白屋素壁生空明似聞
水聲繞庭宇松髯拂天藤蔓垂枯根瘦石相因依寒濤不驚
虎兕卧嵐翠欲與蛟虬飛空江悠悠一漁艇渚白沙明萬魚
靜武陵桃花何處尋落日微風片帆影

徐資深華山圖

華嶽插天七千丈丹崖翠壁開仙掌壁間擘出黃河流大禹

以之分九州河流袞袞赴溟漲華岳拔出天河上雲宮霧窟
疑本無石室金臺儼相向玉泉高通玉井津中有蓮實如車
輪世人肉食未羽化可望不得聊相親高堂晚晴圖畫展眼
明一見心自遠世間塵土今紛紛吾當拂衣卧山雲

末康胡元鼎白雲樓

少年辭家往京國蓬根一斷無消息有時長想白雲飛江海
茫茫淚霑臆歸來拜母悲且喜悔作他鄉遠遊子却起高樓
對白雲綵服翩翩足甘旨昔時望雲煎百慮今日看雲美無
度却憶天涯望雲日平生心事從此畢

贈醫士黃元之

先生軒轅之子孫手提萬物生死根神功微妙不可狀能使
元氣回遊魂篋中求茅抽粟粒丹光照耀三彭泣銜珠不受
脩蛇報采藥常令白猿拾結廬幾歲吳山阿赤松玄俗時相
過更向蓬萊下神水併與人世清煩痾

中峰末先和尚醉墨圖

老先行脚遍天下五湖七澤胸中吞淋漓醉墨落人世恍惚
目擊瀟湘存蒼梧飛龍去不還洞庭赤沙流水渾九疑竹枝
餘淚痕澗蘭沅芷化蕭文古木雨炫寒烟昏雲阮縹緲向何
處波浪瀕洞驕魚鼈我生胡為羈旅間感時覩物生愁怨還
君此畫歌一曲悲風淅淅來崑崙

夜聽張道士彈琴

道士字君度

白澗含光月照席梅花入簷珠的皪蓋宮道士彈七弦明星
在樹霜滿天鏘如暗泉發幽竇悄若空山叫哀狔霧雨寒吹
松柏響波濤怒激蛟龍鬪神奔鬼恠入杳冥鸞孤鶴寡風冷
冷湘娥宵攀竹枝泣紫鳳曉啄梧桐鳴悽悽欲斷還復續啼
鶯一聲春草綠若然清商行素秋落葉灑地蟲啾啾擁衾聽
之消百慮夢逐行雲自來去九疑連天洞庭遠海闊煙深不
知處蓋宮道士聽我語世無子期誰識女葉間濮上方施行
白雪陽春棄如七

辛卯仲冬雨中作二首

江城積陰愁玄冬千家萬家雲水中烏啼黃昏鴈叫夜鼓角
慘澹愁悲風青燈無光掩關坐飢鼠相啣啼過我讀罷殘書
有所思凍雨霏霏淚交墮

歲云暮矣風蕭蕭木葉脫落惟空條雲濃雨細白日短慘慘
不辨昏與朝雨中行人足斛觥去與公家製戎服中原豺虎
正橫戈天寒風急柰爾何

悲杭城

觀音渡頭天狗落北關門外塵沙惡健兒披髮走如風女哭
男啼撼城郭憶昔江南十五州錢塘富庶稱第一高門畫戟
擁雄藩豔舞清歌樂終日割臙進酒皆俊郎呵叱閑人氣驕

逸一朝奔迸各西東玉竿金杯散蓬華清都太微天聽高扁
略龍韜緘石室長夜風吹血腥入吳山浙河慘蕭瑟城上陣
雲凝不飛獨客無聲淚交溢

夏夜台州城中作

江上火雲蒸熱風歆雨不雨天曹曹良田半作龜兆拆杭稻
日夕成蒿蓬去年海賊殺元帥黎民星散劫火紅耕牛剥皮
作戰具鋤犁化盡刀劍鋒農夫有田不得種白日慘淡衡茅
空將軍虎毛深玉帳野哭不入轅門中健兒闕死烏自食何
人幕下矜奇功今年大軍蕩淮甸分命上宰麾元戎舞干再
見有苗格山川鬼神當効忠胡為旱魃還肆虐坐令毒疹傷

和冲傳聞逆黨尚攻剽所過丘壠皆成童闔司恐畏破和議
斥堠悉罷雲邊烽殺降共說有大禁無人更敢彎弧弓山中
悲啼海中咲蜚氣繞日生長虹古時東海辟孝婦草木枯瘁
連三冬六月降霜良有以天公未必長瘖聾只今幅員廣無
外東至日出西太蒙一民一物吾肺腑仁者自是哀鰥恫養
梟殞鳳天所厭誰能抗疏回宸衷夜涼木末掛河漢海嶠月
出光玲瓏仰視皇天轉北斗嗚呼愁歎何時終

老病歎

我身衰朽百病加年未六十眼已花筋牽肉顫骨髓竭膚腠
剥錯瘡與癩人皆愛我饋我藥暫止信宿還萌芽肺肝上氣

論意仙文集 卷十四
若潮湧舊劑再歎猶淋漓有眼不視非我目有齒不齧非我
牙三黃苦心徒自療五毒浣胃空矛戈因思造物生我日脩
短已定無并差玷瓊不能使之少盧秦焉能使之加攻犀監
朽各有分鳧悲鶴悼何繆耶不如閉戶謝客去有酒且飲辭
誼譁

題松下道士携琴圖

道士抱琴松下行松風入耳清涼生石梁苔滑不可上潭水
泠泠學琴響琴有意兮水無心水中有龍能聽琴琴聲凄斷
水流咽月滿空山落松雪

錢王箭頭箴

鷗夷遺魂拗餘怒欲取吳山入江去雷霆劈地水群飛海門
扶胥沒氛霧英雄一怒天可回肯使赤子隨鮫鮓指揮五丁
發神弩鬼物辟易腥風開三百年来人事改濤落沙平箭空
在石梁飲羽未足誇蜀國三犀漫欺給近聞黃河水亂流青
徐一半悲魚頭安得壯士斡地軸為拯斯民塗炭憂

次韻和石末公七月十五夜月蝕詩

招搖指坤月望日大月如盤海中出不知妖恠從何來悄恍
初驚天眼映兒童走報開戶看城角伊鳴聲未卒蟾逃兔遁
漠無蹤璧隕珠沉一何疾丈夫愕視隘街巷婦女喧呼動圭
箠輝輝稍辨河漢沫耿耿漸明荒冢漆百官袍笏群吏趨伐

說意作文集 卷十四 五
鼓撞鉦仍設鞞赤水難令罔象求澗池莫効相如叱升簷變
閣到空曠盞掩氛被殊靡畢廣寒桂樹劫火燼借問嫦娥有
何術今年下土困炎沴草木焦枯野蕭瑟萍號暘死龍甲炊
赤燂當衢掛萍實光芒照灼玄武爛誰復瑣瑣憐蚌鷸今夜
慝作最差異天道幽微孰能詰太陰配日宰臣象無乃常刑
多縱軼近來營壘徧宇內羽林慘澹空鐵鎖荒郊廢市何所
見夔罔蛟蛇兼蚤蠹此皆在地不在天未若蝦蟇狡而猶黃
文結鄰上訴帝賜以小戎驟牡騰剖墓洗魄還月光再起咎
繇明典秩返蟾歸兔復織阿萬古游塵避清暉

再用前韻

虞淵含訝納歸日金樞吐月相承出初離積水看若飛稍映
微雲眇猶眈是時蓐收肇視政莎雞振羽鳴蜩卒姮娥靚粧
覲玉帝坎軻中途嬰禍疾旅人苦熱愛清涼快觀光輝滿蓬
華願開寶鑑照覆盆豈擬瘴塵昏點漆隋珠慙固重革櫃和
壁嗟蒙韎韞韞吳罡樹折不自謀織阿馬弱無人叱三足蟾
驚入坎窪八竅兔走罹且畢圍灰破暈謾傳方屑玉補凹空
著術雷公駭懼罷靈鼓湘女幽憂含鳴瑟故老謂是蝦蟇精
潛伏姦妖營口實羲和尸位罔聞知可以人而不如鷓往歲
威弧弛其殼蛇豕陸梁誰復詰高牙大纛擁藩垣腸斷吞聲
受陵軼江淮洶湧湖浙沸骸骨成山連鬼鎖萬姓喁喁釜裏

魚白官蠹蠹禪中蟲黃茅白葦棄賢良亦綬玄裳寵倚猶吳
穹示變盍警言畏惟德動天天有隲况今旱魃又為厲東作西
成不平秩安得緘辭伏閭闔聖主如聞應駐蹕

聽蛙

統舍荒池底且鯀蟄蛙齊候鳴雷社已知地氣上如炊更覺
石泉流若瀉舉頭玉燭煥陽明喝足汗淫悲土苴半夜條風
入綺牕清晨細雨霏簷瓦梁間紫燕舞參差枝上黃鸝語悲
姹播形肖貌均有生感氣傷情孰瘖症初聆衙衙雜更鼓漸
聽嘈嘈成侈多猶持堅白較同異似坐狙丘談稷下村童斗
噪聾學究悍婦勃磈喧姊姐西域胡僧彈般若齊東老生矜

炙輟逸忤觸片靡蕪葑醉客罵筵投盞竿叨咬誰辨驃兒哇
獮若乍開寶叟啁怒牙嚼齧悸羅吞寤言詰屈驚豈樹徒夸
楚使能言齊未讓秦巫上詛芋粃離傑休紛覩綾帝樂虛張
洞庭野虞夔奚暇調笙磬周瞽曷由分鄭雅旅人懷憂實無
寐遭此彊聒胡為者得非作姦謀蝕月無柰聚訟騰謹設昔
聞周公立典教蚩氏專司鞠灰灑常疑聖人茂育物獨向微
蟲少寬假乃今知其非瑣屑欲問官司乞餘地鳳皇鸞鷲聲
苦希白雪陽春和偏寡蚊蠅蚤蟲多於沙鑽啞啞鳴紛醜醜
蝦蟇幸不含毒螫何苦啾號爭肥蝼烏鳶逐響蛇聽音寧顧
入腹生癥痕賦詩却咲柳柳州忍使腥臊辱殖鮓

贈道士蔣玉壺長歌

先生清如玉壺冰神閑志一精粹疑玄黃健順六子承和氣
决北麓穢澄冲虚澹澹廓以弘冥茫沕穆怙無能火鳥入海
陰液升鶡蛇受約不敢騰束縛龍虎如寒蠅虚無黃堂帝所
憑四方上下齊鈎繩北幽羅酆對朱陵女夷鼓歌王母應瓊
宮夜半張華燈金葩碧葉紅毳素霞鬱滃玄雲烝沆瀣厭
浥淪泉興牽牛織女來相仍用之不減亦不增地官錫福天
官徵老蚌迸殼驪珠升太一象輿臻八鵬翼以六峴前五騰
風輪蕭蕭生夏凌參旗九旂葭緄滕二八青蛾美目矚翠粧
交翟翎撥贈屬車九九如連繩最後雷輶子所乘流蘇勃宰

垂鏤膺煽爛駁馬駟駱躡霞踏霧碎綺綾天津閣道輜輶
較歸來瑤臺十二層月光照耀玻瓈棚下視瀛海波濤砒龍
宮蜃窟寒兢兢歸塘陽谷清可憑鱗甲鏡瑩鱗與鯨相妃鼓
瑟冰絲組撻金戛玉萬穴灑琅玕風吹般峻憎琉璃雲母龜
貝朋琳房壁甃理階陞素鸞振迅霜女扔璇題瑣牕蕭蕭藹
洞晃曛朗眩遙澄瘁肌砭髓魂歆宛忽然浮空墮杳霄颺馳
電燿羽脫肱天衢阻遐世網罟昏昏日月敲炎蒸句曲之山
翠礪礪楓杉檜栢楮桂枊蘅蘭杜若蕙蔭萋綠岡被嶺幕礪
騰大地浪井瀑練瀚萍瀕繡繪芙蓉菱鬣虬蚪蚪千年藤纏
絡薜荔縣鬚鬚敷芳發馥菲芬芳獬獠獬鴟蒼鷹攀援欵

讀意集
卷十四
八
巖巖峩崩寒將蟪蛄蟬
犯蟪嵐餐雷飲喧岷
先生皮冠衣絳繒
桃枝七尺穿虺騰
三茅真君共嗟稱
星根絕頂時同登
黃斑黑虎陟降凭
石罅甘漿溢若澗
神芝吐燄如簣簞
食時動機保不薨
驅斥琚瓊除痕瘕
眸光照座生紫稜
舉觴引滿鯨喉
漿解后見之喜莫
勝揚眉抵掌開蒙
顛人生嘉會安得
恒靖恭正直天所
矜作詩持贈匪妄
諷

古歌

三首

紅葵高花高以妍
清晨方開夕就萎
美人迢迢隔山水
可望不見心茫然
花開花落日復夜
惟覺新年非故年
人生百歲花一度
何不作樂令人憐

舊花欵落新花好
新人少年舊人老
佳人見此心相憐
舉觴勸我學神仙
我聞神仙亦有死
但我與子不見耳
祇言老彭壽最多
八百歲後還如何

雙燕雙飛入我堂
銜泥養雛何太忙
養得雛成却飛去
雙燕雙飛復如故
東園桃李春萋萋
日華烘露生紫霓
一朝實熟付人採
葉枯枝折空成蹊

道士周玄初鶴林行

鶴林道士軒轅徒
以飈為輪雷為輿
開山養鶴作騏驎
上下二儀周六虛
雛成洗髓扶桑窟
縞練羽毛鏐鐵骨
聲飄碧落玉清揚
影拂太微雲滅沒
永夜月明風滿林
竹栢戛擊笙簫

音云是旌陽許縣令躡蹻佩劍來相尋靡萍西枝搖倒景借
去林間兩丹頂伐蛟北海莫玄冥斬蜃南訛封浪井上窮列
缺旁九圍却過度朔山中歸歸來贈我桃樹枝朱衣赤郭手
所持令我鞭龍扶虜虎楫縛臊豨如奴虜授我堯時松子訣
轉晴出電噓成雨鍾山秀色連冶城百花繞屋風泠泠焚香
獨坐誦真誥墜露點滴流華星土伯駿奔從號令鶴鳴聞天
空谷應寥陽寶殿歌步虛河漢當窓回斗柄嗟子衰朽雜病
攻盈顛素髮吹秋蓬空餘硬骨如瘦鶴因子致意浮丘公
送李叔允脩撰致仕歸釣州

憶昔西京祖二疎都門供帳羅長衢金張許史集軒蓋彈琴

鼓瑟次笙竽頽頽鶴髮映霄漢蒼松翠栢紅珊瑚道傍觀者
皆慨歎此士足為天下模先生胷蟠五車書雍容進退安且
徐披香朝侍紫宸案珥筆書入

承明廬引經論奏動

天聽

天語親授非臚句老年謝事歸里閭 召見特許兒童扶

臨軒 賜膳侑金幣尚食供奉黃門趨夜來微雨清郊墟緗

黃漚柳鶯相呼風吹暖烟逗白日露濕芳草留驪駒雖無旨

酒嘉穀蔬短歌一曲聊踟躇浮雲流水無根蒂人生何者為

驩虞高高少室衆美與素石如玉泉如酥特清四野樂耕稼

雉鳴麥秀千華敷親朋會合各慰意况有令子知勞劬揮金
買酒沫

聖澤怡情之外吾何須西飛鴻鴈東飛魚相思迢迢天一隅
贈言有盡意不盡努力善保千金軀

松葉酒歌寄梁安宅

道人贈我松葉酒味似瓊漿色瓊玖燕之骨爽神魂清令我壽
同金石久我生踈嬾無所能瘦皮黏骨危峻憎病來啖藥猶啖
水夢寐恍惚風中燈常聞徂徠有嘉木玄醴滌濯黃露沐上
有兔絲揚翠旂下有茯苓蹲白鹿咀華嚼葉燕以津歲久定
化腸為筋便從僿佺覲黃帝身騎肉角青騏驎我欲求之百
憂集滿眼蚊蠅隨出入跋鳥箭逝織阿急日暮空瞻鄧林泣
道人此酒還有方我欲與子同徜徉世上神仙亦何限留侯
辟穀應未晚

枯樹圖

道傍古樹身半枯白蟻穴根蟲穴膚風摧雨撼霜雪凍斷石
脆疏無人扶憶昔勾芒肇初政百卉騰達隨呵噓新柯荏苒
舊柯壯霧露膏沐光如濡黃鸝翡翠語嬌滑素扈戴勝鳴相
呼白鶴來巢鹿止蔭匠石愕睨爭歎譽寧知憂患生旦夕野
火倏忽起不虞燎原烈焰難嚮邇孰問柞櫟杉與楮枝燔葉
斂根半赤朽腐臙液非特須山林搖落歲方晏聊以薜荔為

衣袂嗚呼廣厦棟梁具委棄草莽同新蕩
皇天未必替生意更盼玉燭回腸鳥

正月十五夜燈花大開作

燈花如營紅且綠燈花有意憐幽獨夜寒衾冷漏聲遲卧看
瓊枝綻金粟涼蟾入戶四壁空地爐宿火天無風祥煙抱日
麗碧落驪龍吐珠歌紫虹人言此花專報喜勞生短髮絲垂
耳无望之福非所希無事惱懷吾足矣呼童添油引良夜九
衢燈月光相射漫沾濁酒餉離魂豈必忘憂惟樹萱

為韓克銘題畫石鼎聯句圖

軒轅道士軒轅孫昔隨飛龍陟崑崙乘騎六氣遊乾坤上窮

混沌無涯門下扶若木扶桑根旋雷舞電訛晨昏批蹴虎豹
號帝閭槌擊河鼓牛騰騫摘虹織輝絢澤原三足老鳥不敢
暎迷離缺兔駭且奔羲和顛號訴至尊謫降下土營丘樊結
喉長頸古貌存如鶴如鵠如龍蛇詰屈不作人間言涕唾落
地生蘭蓀驅叱碣石歸河源蜚廉屏翳雙挾輻擊揆象齒愁
育賁山玄水蒼琮瓊離羅璀璨輝熒燉笙鏞琴瑟篪與壎
五音翕繹珠瀉盆吹為栗烈呵為暄扑扶罔象咎鼉鼉饒鱔辟
易徙厥屯朶縛慘魑魍魘魂秉昇赤郭充朝飧妙用欸忽無
留痕嗟哉二子爾毋究如井谷鮒當化鯤嚶嚶草蟲呼阜螿
歎與螻蛄語涼温不知風霆掣墻藩江騰海躍喬嶽翻鬼物

喘汗相濡歎爽靈漂搖失所躄
敞菟夢寐精魄昏低頭拜伏
誓再論陽春二月花滿園
掩關獨坐辭評誼按圖索意聊滌
煩羨君軒轅之後昆浩歌一曲期勿謾

寄贈懷渭上人

老僧懷渭字清遠曾蟠文史三千卷
雪晴太白王為峰月出藍田金作巘
少年挾策走四方要看蓬萊水清淺
燕山帝京龍象會瓊臺寶林發關鍵
橫空鷗鷲撒高秋縱轡驪逸長
吸龐眉老宿皆震驚觀者解頰陪者
赧奎章學士虞邵菴喏
惜稱誇枯舌本連床笑語到晨雞
走筆贈言何款悃轉頭霜
雨四十年萬事茫茫不堪付江湖
皴浪客舟寒地爐宿火僧

房煖我來邂逅一見之憶曾相識
嗟成謾世士如公良所希
方外只今還有限我如野馬貫
藪澤絡以羈鞶知必晚老來
耗毫百事違况俾三廬宅愁眼甚
欲歸依白蓮宇其柰素餐
非力墾寄言聊復寫中懷白石清
泉猶未晚

金碧山水圖

武陵桃源今有無展盡渾如夢中
見青螺作山綃作雲白日
蒼茫曖芳甸雄梁跨壑矯脩虹走
瀑懸崖激飛電紫鳳霄鳴
梧樹枝青雛曉啄桃花片鳥啼長
是豔陽時草色寧隨霜雪
變衣冠尚存周典則租稅不輸秦
郡縣山中肉芝美堪食澗
底石泉清可嚙安得此地結茅屋
寄書漫託雙飛燕

雪晴偶興因以成篇

玄雲四垂天黯黹大野蒼茫飛雪糝北風刮面利如刀海氣
昏昏迷遠覽若華東光封密霧比屋無烟色悽慘天姥沈陰
禹穴閉扶胥海濤渾不撼愁埋朱鳳入杳冥凍縮赤蛟深坎
窟猿狖哀號咽巖谷鴻鴈驚啼亂葭茨壯士金戈鉞鏑凌將
軍玉帳旌旗驟師徒百萬盡熊羆幕下從官皆燕頤馬蹄蹴
蹋坤軸震夜半入蔡何人敢蒼山野客拙且懶旅舍蕭條坐
無毳頑童汲井十指直稚子敲冰兩髦髡今朝出口照梁棟
樓外遠山皆菡萏初驚急溜瀉源泉漸看縣澗掛旒統那無
美酒洗胷臆空有新詩吐肝膽先人敝廬松柏在墻角早梅
應可擘蝮蛇張鱗虎掉尾平地倏忽成穴壑藩閩官曹厚祿
食忍以黔黎為醢醢天民日望天愛憐破瓦頽垣最悲憐農
家齊仰二麥成且喜土膏滋九坎清晨樹上啼布穀柳下碧
波漪澹澹安得扁舟泛五湖莫使中心攢百感

題群龍圖

世間萬類皆可觀茫昧獨有鬼與龍此圖畫龍二十四狀貌
詭譎各不同得非物產有異種或曰神變無常蹤一龍捷尾
欲上木足爪猶在瀛泮中一龍出穴飲澗底頭上飛瀑瀉白
虹前有一龍已在雲頭視厥子揚雙瞳浪波魚鱗沓壑壟日
車缺北天無風中庭兩龍忽相逢須眉鬣髮如老翁便欲角

覬爭雌雄西望積石接崆峒白龍擘石窺流深河伯遠遁虛
其宮屈蟠睡者何龍鍾老物用亢時當終峽外六龍瘳以亢
矜牙舞爪越戟攻齧鱗爵甲含劔鋒陷胸折尾波血紅之死
弗悟人誰恫一龍引航將欲從迴環睢盱未敢通最後一龍
藏於壑睥睨勝敗非愚蒙無乃有意收全功雲中弄珠勞爾
躬不如卧沙之從容龍子學飛力未充母在下視心憧憧何
物一角額準隆觶然出洞若蛇蟲有龍接之自龍從恐是輦
穴王鮪公皮骨始蛻形猶蒙兩龍歸來倦不矜凝龍攀石身
已檉蚴蚪偃蹇欻騰衝蜚螻攫躍鬚髮茸呿呀奔擊曲如弓
百態並作何紛靡是耶非耶孰能窮畫師昔有僧繇工能令

真龍下虛空安得伶倫截竹筒吹之呼龍出石罅使我一見
開昏曹

為丘彥良題牧谿和尚千鴈圖

往時惠崇畫蘆鴈對之如在江湖游只今此圖又精妙中有
千里瀟湘秋乃知浮屠性多巧意匠不與凡夫儔吳松江長
具區闊天目虎丘青一髮西風九月秔稻黃朔鴈飛來翼相
憂農天苦飢鴈獨飽此意畫師應識察近者分明辨羽毛遠
者縹緲瞻秋毫或乘飄風入烟霄或翳落日沉隍濠越如武
侯布八陣集如萬舞回旄旄眠沙卧草鳴且翔喋呷藻荇亂
蓬蒿禾空穗盡却歸去紫塞漠漠春雲高我家南山限蒼嶺

鴈飛不到川路永深林大谷蛇豕盛愁向他鄉撫虛景人言
鴻鴈比弟兄我有兄弟隔兩城題詩卷盡謝客去無使感愴
傷中情

雨中寄用章上人

月盈復魄已過五不見白日長見雨美人娟娟隔巷陌會面
不得徒延佇若邪當門泉湧礎仲蔚蓬蒿塞環堵陰風向人
作秋氣芳草日夕成宿莽玄圭上天禹穴閉倉水使者今何
許玉京群仙翳煙霧弱水西流隔玄圃女夷鼓歌不自覺朱
鳳翅濕那能舉自從干戈起淮甸天下無處無豺虎徵歛類
煩轉輸急更有何鄉為樂土翳葉餓人誰復數思家遠客空

悽楚半生身世付浮雲獨立看雲百憂聚晚來天南橫絳虹
雨勢未已愁雷公井蛙谷鮒俱得意汎濫潢潦登穹隆方外
文章誰最好後有嬾公前笑老裁詩忽漫寄中情萬事茫茫
聽蒼昊

玉澗和尚西湖圖

大江之南風景殊杭州西湖天下無浮光吐景十里外疊嶂
湧出青芙蓉百年玉氣散荆棘惟有歌舞留歡娛重樓峻閣
競鉛黛媚柳嬌花使人愛老僧不善兒女情故作獼豪見真
態想其泚筆欲畫時高視盡工如小兒千巖萬壑吾意匠夸
娥巨靈吾指麾却憶往年秋雨夕盡舫衝烟度空碧蒼茫不

辨雲與山但覺微風響蕭瑟須臾冷月迸深霧時見松杉半
昏黑開尊命客彈焦桐扣舷大咲驚海童鮫人唱歌魚鼈應
水底影動雙高峰只今倏忽成老翁可憐此樂難再逢愁來
看畫欲自適誰知感生愁轉劇

顧周道山水圖

憶昔晉時顧庠頭能畫聲名塞穹昊千載而下繼者誰君之
耳孫字周道江南山連滄海島水遠山長愁絕倒興來走筆
如有神濃抹淡粧無不好前峰倚天自太古知是天台是天
姥烟開浪波搖浦淑草滿江洲樹如羽山迴兩崖夾幽谷小
橋俯映菰蒲綠扁舟何處覓鱸魚滄浪水與空濯足柳邊碧
石明素沙茅廬似是陶公家衡門晝掩雞犬寂誰人共采黃
金花我屋雙溪松栢裏清泉皎潔無泥滓鳳皇不來鷹隼逝
白日鳴鴉蕭桑梓華表柱頭丁令威風塵頃洞何當歸感時
對景重回首不知人民今是非

題富好禮所畜村樂圖

我昔住在南山頭連山下帶清溪幽山巔出泉宜種稻統屋
盡是良田疇家家種田耻商賈有足懶踏縣與州西風八月
淋潦盡稻穗櫛比無蝗蝻黃雞長大白鴨重瓦甕琥珀香新
筍芋魁如拳栗殼赤獻罷地主還相酬東鄰西舍迭賓主老
幼合坐意綢繆山花野葉插巾帽竹筴漆椀蕪莖甌酒酣大

賦意集 卷十四
賦雜語話跪拜交錯禮數稠或起頓足舞侏儒或坐拍手歌
甌篋傾盆倒榼混醯醬爛熳沾漬方未休兒童跳躍助誼諫
執遁逐走同俘囚出門不記舍前路顛倒扶掖迷去留朝陽
照屋且熟睡官府亦簡少所求寧知宴安含醜毒未耜一變
成戈矛高門大宅化灰燼蓬蒿瓦礫塞道周春燕營巢在林木
深山露宿隨猿猴三年避亂客異縣側身天地如浮漚親朋
阻隔童僕散疏食水飲不自謀有時惆恍夢間里驚覺五內
攢百憂君家畫圖稱絕妙鑿別曾遇柯丹丘想應臨榻出秘
府筆意精到世罕儔村歌社舞自真率何用廣樂張公侯太
平氣象忽在眼令我感愴涕淚流近者鄉人來報喜今歲高
下俱有秋豺狼食飽卧窟穴軍師已運招安籌人情自古共
懷土况乃霜雨凄松楸神龜且被預且困予所弗念天我尤
積薪厝火非遠計誰能獻納陳嘉猷長江波浪接淮泗白日
慘澹騰蛟虬天下農夫總供給隴畝不得安鋤耰市中食物
貴百倍一豕之價過於牛魚鹽菜菓悉賣米官幣束閣若贅瘤
朝餐僅了愁夕膳誰復有酒澆其喉循環天運往必復邪氣
斲至不遠瘳此生此景須再覩引領帳望心悠悠

題湘湖圖

君山洞庭隔江水彭蠡無風波浪起明窓曉晴圖畫開興入
湘湖三百里湘江兩岸山縱橫湘湖碧繞越王城越王城荒

陵谷在古樹落日長煙平
游子天寒孤棹遠七十二谿飛雪
滿浩歌不見濯纓人沙鶴野猿相對晚
湖東雲氣通蓬萊我欲從之歸去來
蛟鼉塞川陸有虎兩臂無翼令心哀

為啓初門和尚題山水圖

天下名山隨處有畫圖流傳亦良久
祇園道人展橫幅觀者稱誇同一口
蒼梧九疑高插天卷而懷之不盈手
巨靈驚呼盤古怒地軸缺北昆侖剖
太陽出海開杳冥蟠冢岷峨大如
斗華軒無人清晝閑恍然置我匡廬間
金輪迥出牛女上遠近羅列千雲鬟
江花野竹青錦斑嵌巖斷石蛟鼉顏
罔盪谷轉絕徑路但見湖水迴瓊環
白沙洲暖春風起南船掛帆北

船艤吳波下盡芳草外楚岫半入長烟裏
夜深小龍行雨歸宮亭月落彭郎磯
旌陽步虛盧老和雜佩散作虹蜺飛
百年塵世真夢寐回首旌旗塞天地
舊將何處成渺茫一曲狂歌數行淚
青丘弱水迷方壺武陵桃源今有無
瑤臺三島消息斷安得羽翼歸清都

題趙學士松圖

白塔

趙公拈筆作古松平地躍出三青龍
蜿蜒不上霄漢去爽颯長留烟雨濃
前朝美人鬪草處猶有當時數株樹
江亭六月涼如秋應與此圖相對愁

題李陵見蘇武圖

中原無書抵不乳狐裘蒙茸柰何許老身漢節死生俱地角
天涯見明主金鞍駿馬空故人相看一咲增悲辛悲來風沙
吹上馬河水東流日西下 空一作吾

雪鶴篇贈詹同文

有鶴有鶴丁令威碧玉為骨玄霜衣層城十二身所依千年
伐毛一度歸洗髓織女黃姑磯瑤臺雪花大十圍食之神爽
肉不肥乘風振羽芳菲菲丹砂結頂燁有輝咳唾璀璨生珠
璣朝遊明星夕大颿騰光躡景超巍巍騰六驂乘虹蜺駢蓋
宮仙娥項帝妃鎔雲鍊雨成瓊蕊眩晃晝奪扶桑輝離眸閃
爍不可睽回歎攸攸翼縞旂白虎殼棘良厥非鸞鶴鳥鴻鷄

鵠羣鷺鸚鵡鵠鷺與鷓鴣局促縮胸潛愕峙惟有皓鶴從之飛
竦翮夜過東皇畿玲瓏琪樹曳金徽若然長鳴驚海圻海波
噴作煙霧霏馬銜罔象躡若鞮鯢鯨天矯相噓唏銀河腹堅
膠蜃豨王母桃花凍不緋五色石裂女媧謫祝融上訴開九
扉帝命養之青鎖闈賜以沆瀣憐其饑朝朝暮暮朝太微翅
翎披拂天香馥北斗粲爛星依稀翠輶抱日露未晞圓肱脩
趾逸且頎矐矐暗舞霍以揮散仙引領空相希嗟哉清峻天
下稀勿歎遼東城郭非桂華宵窪甘露滋味美遠勝商山薇
擷英為羞堪咀噉比之琅玕亦庶幾盤空硬語去脂韋歌以
贈君君莫譏

贈杜安道

憶昔天兵伐荆楚舳艫蔽江齊萬櫓
譟聲激烈似雷霆猛氣
怱然震貔虎拔柵皖城猶俯拾探穴
九江無險阻明年大戰
康即下日月塊北相吞吐馮夷蹋浪
辟水飛巨鼉掉首三山
舞雲隨太乙擁鋒旗鼉為豐隆作靈
鼓將軍金甲箭攢蝟戟
士鐵衣汗流雨火龍熺燄絳天衢燧
象極煙煎地府鯨鯢既
翦挽捨落草木熙陽魚出谷當時從
臣皆俊良近侍共推徐
與杜或操陳子之刀鋸或負伊公之
鼎俎艱難出入矢石下
鞠躬盡力無摧阻夙興夜寐事
一人小心不貳

帝臨女只今四海同車軌葑菲罔遺
遵往古瓊琚赤芾造鷁
行鞍馬祿食光門戶天雞一聲金闕
啓

龍顏有喜常先覩顧我愚疎憂患集
病骨峻嶒蒸溽暑興來
懷舊倚長歌星星兩鬢絲千縷

太師誠意伯劉文成公集卷之十四終

太師誠意伯劉文成公集卷之十五

後學麗水何鏗編校

五言律詩

旱天多雨意五首呈石末公

旱天多雨意雲日氣恒陰草木焦枯盡蛟龍伏匿深移家愁地蹙經國恨年侵已矣商巖叟無人解作霖

旱天多雨意炎夏已清秋虛牝空蒸鬱高圓迥獨浮下田應脯蚌深樹且鳥鳩向夕星河影稀疎恰近樓

旱天多雨意散漫起重陰漸變峰巒狀還摛錦繡文龍應愁病喟鳥亦念將焚碧落高無極人間斗不聞

旱天多雨意炎燎發洪爐事急徒號梗謀窮漫曝巫王征愆
節制民望失來蘇原籍看如赭哀今鹵掠無

旱天多雨意雲起旋隨風澤氣沉沙白山嵐過野紅乾坤愁
夢裏日月戰塵中漫說生生理如何亦有窮

次韻和石末公旱天多雨意五首

旱天多雨意雲合又還晴苦熱連三伏微涼入五更青山黃
葉遍白水紫烟生旦夕霞標起依稀對赤城

旱天多雨意霞起衆山光日月躔陽道雷霆伏大荒躍淵無
黑蜮在牧有夷羊萬室俱如燬何人尚閔庭

旱天多雨意一望百憂侵海沸羲和日山藏傳說霖滄河那
可决北斗不能斟歎息還搔首清商已滿林

旱天多雨意悽惻望鉤陳哀顙何時達愁眉盡日顰乾坤三
島浪歲月兩淮塵莫問和調事嗚呼畎畝人

旱天多雨意陰電繞空湫暴客馮高壘良農死禁丘干戈猶
未息災沴復何尤軫望成衰疾那堪數倚樓

憂懷

傷離驚歲晏引望起愁端落日烟中小孤雲雪外寒浮生無
限恨垂老異鄉看掩淚觀梅盡中心分外酸

感歎

聞說蘇州破倉皇問故人死生俱可悼吾道一何屯北去應

無路南藩自此貧
淒涼轉逢客淚盡
浙江濱

題鑑湖送別圖

曲岸扁舟艤澄湖
祖帳開雲生秦帝碣
雨映越王臺荷氣清
瑤席波光灑玉盃
情深不忍別欲去更徘徊

次韻和王文明雨中雜興四首

積雨累十日平湖添半篙
風連箕畢動雲傍斗牛高
水鶴巢林木池魚上野蒿
農人愁餓草採擷到溪毛

白日迷陰陸濃雲沒大荒
雨深筠簟潤風度葛衣涼
虎豹歸林濕魚龍赴壑長
波濤渺清落悽惻解鳴喘

濕雲看欲薄陰氣未全收
日月昏昏見鼉鼉頰頰浮
虛簷騰

朐蠶壞壁湧蜉蝣幽獨無人問
含情謾上樓

青冥不可見朱夏已無多
雲木光浮沒川原氣盪磨
荒蕪一

將略浩汗五湖波去去滄浪水
君聽鼓枻歌

題太公釣渭圖

璇室群酣夜璜溪獨釣時
浮雲看富貴流水澹鬚眉
偶應非熊兆尊為帝者師
軒裳如固有千載起人思

稽句頌

白日隱巖壑千岷氣勢豪
溪流婺女關山入少微
高危石天
敬側長風谷怒號
干戈方自此行役敢辭勞

淳安舟中遇雨遣悶二首

詩意何文集 卷五
一夜青山雨平明黃濁喧亂流翻地軸高響落雲根鍛羽投
林鳥啼飢抱樹猿羈懷正愁絕感物重銷魂

香盡魚龍世界寬斜陽在林樹時復捲蓬看
溪雨細如霧北風長夏寒汗池不赴壑井谷自成湍蘭菴馨

丙戌歲將赴京師途中送徐明德歸鎮江

疲馬懷空歷征衣怯路塵那堪遠遊子復送欲歸人月滿西
津夜花明北固春論文應有日話別莫悲辛

過南望時守閘不得行

客路三千里舟行二月餘壯顏隨月減衰鬢受風疎蔓草湏
句國浮雲少吳墟愁心如汶水蕩漾遶青徐

發景州

澹澹夕風作蕭蕭蘆葉鳴林間衆鳥息河上一舟行海近雲
常濕天虛月更清神京看漸近且緩望鄉情

泛海詠霧

海上苦多霧北風吹更長纔交積水氣已翳太陽光淺亂洲
渚色深迷鴻鴈行神姦馮出入君子慎周防

殺氣

殺氣乾坤黑陰氛日月黃已成心曲亂不復鬢毛蒼夜哭城
笳裏朝烟野戍傍扶傾無郭李何地尚畊桑

遣興一首

白日下西岑空庭生夕陰郊原過雨色鍾梵隔牆音有感憂
思積無能老病深露從河漢落不覺滿衣襟

月是今宵滿花從昨夜開看花嗟寂寞對月且徘徊白髮添
無數青春去不回莫思人隔世聊樂酒盈盃

四月十二日發揚州

幾見明月滿猶嗟行路難時平耻無用身賤敢偷安天地山
河闊風沙道路寒旅人元有淚不必雍門彈

濟州太白樓

小逕迂行客危樓舍酒星河分泚水碧天倚嶧山青昭代空
文藻斯人竟斷萍登臨無賀老誰與共忘形

送僧家奴叅政赴河東宣慰使

二首

雲中形勝地關塞接天長白草連沙漠黃河入晉陽老臣持
節鉞大闢壯金湯昭代思賢佐須公在廟堂

大闢諸藩上元戎朔漠間天低馬邑塞河入鴈門關落日旌
旗靜高風堡障閑旬宣推碩望喜色動龍顏

送人赴德清稅

鏡湖木葉落震澤水波生鳧鴈衝人起笙歌送客行鹽津魚
罾集菜屋繭絲明王稅隨時足吟哦待太平

題釣雪圖

雪暗洲渚白江清蒲柳寒悠揚雙短棹汗漫一魚竿忽憶滄

浪曲因悲行路難蛟鼉正驕恣還為爾長歎

將曉

愁夢不更續寒天將欲明雪風吹海樹霜月凜江城衰病丹
心在艱虞素髮盈殷勤東注水渺渺若為情

不寐

不寐月當戶起行風滿天山河青靄裏刁斗白雲邊避世慙
商綺匡時愧魯連徘徊懷往事惻愴感衰年

秋感

老病偏多感宵長晝亦長衣冠方謝暑枕席已驚涼往事鑄
心在新知過眼忘籬邊舊栽菊歲晚為誰黃

秋興

天淨山月出水寒沙鳥鳴孤燈秋後思短笛夜深情江海空
衰鬢乾坤未弭兵清都隔河漢訶禁有開明

晚思

返照吳山外歸雲越水頭寧捐白羽扇却着黑貂裘草暖鳧
鷺渚波香杜若洲艱難愧生事汗漫想扁舟

望孤山作

曉日千山赤寒烟一島青羈心霜下草生慙水中萍黃屋迷
衰野蒼梧隔洞庭空將垂老淚灑恨到滄溟

青絲馬

詞意伯文集 卷十五
蹀躞青絲馬艱難赤伏符窮陰歲欲暮落日鬼相呼見鴈愁
心裂看天淚眼枯殷勤夜深月還照旅魂孤

十二月一日

耿耿夜不寐源源憂思來歲餘三十日腸定九千回江響風
初發天昏月未開白頭真合得非是楚猿哀

古戍

古戍連山火新城殷地笳九州猶虎豹四海未棄麻天迴雲
垂草江空雪覆沙野梅燒不盡時見兩三花

客路

客路秋風裏扁舟夕照時渚鴻魚復陣江樹井陘旗衰朽嗟

誰與愚蒙荷

帝慈山中牧羊子歲莫尔相期

逢熊文彥 二首

相離已隔世相會豈忘情識面非觀貌知心只記名夕陽荒
野闊秋水大江平往事無勞問空令萬感生

憶昔相逢處湖山錦繡春篔簹絃喧夾巷花柳隘通津離別人
非故推移物自新愁來重回首涕淚下露巾

五言長律

錢唐懷古得吳字

澤國繁華地前朝舊此都青山彌百粵白水入三吳良嶽銷

王氣坤靈肇帝圖兩宮千里恨九子一身孤設險馮天塹偷
安負海隅雲霞行殿起荆棘寢園蕪幣帛敦和議弓刀抑武
夫但聞當宁奏不見立庭呼鬼蜮昭華袞忠良賜屬鏤何勞
問社稷且自作歡娛秔稻來吳會魚鼈出具區至尊魏北闕
多士樂西湖鷓首馳文舫龍鱗舞繡襦暖波搖棹積涼月浸
氍毹紫桂秋風老紅蓮曉露濡巨螯擎擁劍香飯漉雕胡蝸
角乾坤大鰲頭氣勢殊秦庭迷指鹿周室嘆爲王馬違京
輦銅駝擲路衢含容天地廣養育羽毛俱橘柚馳包貢塗泥
賦上腴斷犀埋越棘照乘走隋珠吊古江山在懷今歲月逾
鯨鯢空渤海歌詠已唐虞鷗革愁何極羊裘釣不迂征鴻暮

南去回首憶尊鱸

太師誠意伯劉文成公集卷之十五終

太師誠意伯劉文成公集卷之十六

後學麗水何鏗編校

七言律詩

寄題昇元觀綠筠軒

帶郭軒楹映綠筠
八窓瀟灑總宜人
風生密葉蛟龍舞
露下寒梢翡翠勻
不待剪裁調律呂
若為惆悵憶伶倫
五城雙闕煙塵隔
且傍林巒寄此身

送李子庚之金陵

舍下微波湧碧鱗
湖邊草色可憐人
也知使者徵書急
莫厭輕舟出郭頻
春酒盈缸清似水
時魚帶子白於銀
山桃野杏

能紅紫醉眼相看意自真

欣懷亭二首為脫因宗道賦

欣懷亭子湖山上山色湖光八面開恰似崑崙積石圍湧出
王母閨風臺驪龍夜靜擎珠上神女天寒委佩來何日扁舟
一繫纜高躋絕頂望蓬萊

愛子山亭湖水中雜花脩竹合蒙籠三春錦繡花迎日十里
笙簫竹度風菰飯炊來勝雪白鯉魚釣得出波紅浮生無事
當為樂應許閑人一醉同

送趙元舉之奉化州學王

東風吹雪作春波送客中流發棹歌酒至莫辭狼籍醉情深

無奈別離何天童山杳嵐光暎佛手江長海氣多泮水紫芹
香可攬倍看待佩樂菁莪

次韻退和音上人

絕頂浮雲鎖石關曲途危磴阻躋攀他年甲楯孤臣泣此日
齋鍾老衲閑夜永星河低半樹天清猿鶴響空山干戈未定
歸無處擬結茅廬積翠間

題王起宗御史江山烟靄圖

繡衣御史乘駘暇貌得江山烟靄圖日落風雲連紫極天寒
波浪隔蒼梧魚龍縱壑深無底猿鳥歸巢暝不呼羈旅傷心
緣百感可堪回首憶吾廬

二月二日登樓作

薄寒疎雨集春愁，愁極難禁獨上樓。
何處山中堪採藥，幾時湖上好乘舟。
銜泥客燕聊相傍，泛水浮萍可自由。
見說蘭亭依舊在，于今王謝少風流。

感興

赤城霞氣接天台，上界仙宮此地開。
滄海有波容蜃鱗，石梁無路入莓苔。
當時玉帳旆羅綺，今日絲綸到草萊。
傳語疲氓聊忍待，玉師早晚日邊來。

發嵯縣至上虞道中作

磴滑泥深去馬遲，雪殘青嶂不多時。
荒烟蔓草中郎宅，素石

清谿烈婦祠，日落風生臨水樹。
野寒雲濕渡江旗，宣光事業存書史。
北望淒涼有所思。

次韻和謙上人秋興一首

山雲涌地起秋濤，涼葉驚風下九臯。
藥籠空聞收馬勃，弦歌豈復用牛刀。
草間狐兔營三窟，天上龍虬昧六韜。
周漢中興還有日，載歌亦伏詠嵩高。

聞高郵納款漫成口號

聞道高郵已撤圍，却愁淮甸未全歸。

聖朝雅重懷柔策，諸將當知虜掠非。
堯帝封疆元蕩蕩，世皇功業甚巍巍。
忠臣義士同休戚，縱欲偷安總禍機。

春興

近聞丹詔出天關

聖主鳴謙下土知
豈意豺狼猶桀黠
未隨干羽格庭墀
四郊多壘忠臣耻
百戰無前壯士規
寄語總戎熊虎將
莫教長媿伐檀詩

再用韻答嚴行二上人

負郭無田生事疎
微官已謝不須陰
散愁漫入高僧舍
乘興還過野老居
草冷蟲聲悲杼軸
霜餘蕉葉碎緘書
黃花素髮相將暮
獨立淒涼憶往初

又用韻答嚴上人

中夜登樓望紫微
北辰不動衆星依
由來赤日行黃道
多事玄雲變白衣
雪下蓬萊三島隔
濤翻滄海萬魚飛
聖君宵旰惟恭已
早晚陽和斡化機

次韻和孟伯真感興詩

避難移家適遠鄉
憂時一夜百回腸
徒聞鉄甲連戎壘
未覩鉤車跨賊隍
不共班超爭食肉
欲尋木羽學休糧
磨崖可勒中興頌
努力諸公佐有唐

妙成觀用何逸林通判韻

我訪仙家溽暑前
青楓綠柳暗晴川
竹根露濕登山屐
沙際鷗迎渡水船
雲氣長留虛白室
丹光直上蔚藍天
純陽道士

重來日為問蓬萊是那邊

得胡仲淵書歡喜成詩奉呈石末公兼簡三益軍諮
故人忽寄一封書愁眼還明病亦無風蒲高林歸猛虎月涼
古塚散妖狐大廷職貢當端復戎馬資糧不再輸更喜元侯
契天意良苗得雨應時蘇

次韻和石末公秋日感懷見寄二首

郊原如赭已無秋况復干戈未肯休肉食不知田野事布衣
深為廟廊憂典章淪落悲芻狗餽餉倭遲想木牛禮樂將軍
今卻穀豺狼滿地待虔劉

秋陰竟日似黃昏夏旱良苗不半存敢望魚雞充醢醢尚期
菘韭作饗殮烟壘慘澹黃公石雲氣蒼茫紫極垣作檝濟川
須傳說九關虎豹向誰論

重陽日使者持詔用韻柬石末公

中元悲斷義和報九日歡迎詔使來紫禁羽林分壘壁清秋
辰極照中台願從黃石明三略莫使詩人賦七哀蟻垤牛涔
休沸蕩泰山喬嶽甚崔嵬

夜坐有懷呈石末公

西風白露下清寥岸柳江蒲取次凋諸將旌麾非一統大藩
衣服變三苗雄豪竊據皆屠狗功業興臺總續貂棄馬獨知
懷故櫪天涯涕淚北辰遙

次韻荅石末公傷用三苗之作

周用羗髯功有赫唐通四鵠禍無訾
幽歌鄭曲非同調楚服秦驂實背馳
安得着鞭先祖逃趨陪前暉學姚期
扶持聖主中興業整頓乾坤去詭隨

石末公家人自台州來以詩問之

委羽山前海水飛赤城霞色亂斜暉
過庭且喜諸郎至懷土休嗟舊業違
李晟孤軍終獨捷杜魯百戰竟安歸
丈夫事主心如石去殺勝殘自有機

次韻歲菊

風霜搖落愈傷神黃菊於予意自親
遲莫長存君子操淒涼

不厭主人貧天虛沈瀝流清氣月過青冥動細淪
此夜空庭耿相對春花夏葉總埃塵

次韻和石末公歲除送窮之作

五夜雪霜清沴氣三陽玉燭照芳春
願聞馴象來林邑復覩封牛至
蔚賓川后山祇爭效職淮夷海獠悉歸臣
君王垂拱明光殿聖敬如湯日日新

次韻和石末公春晴詩

幽禽嘖嘖語朝陽細綠駸駸入女
亲天上深宮調玉燭人間和氣應
勾芒赤眉青犢終何在白馬黃巾
莫漫狂將帥如林須發蹤太平功
業望蕭張

次韻石末公題桃源卷

飛花逐水縈紆入不覺清溪路淺深
執手問名驚見面論新
話舊各傷心壺漿餽餉殮加璧館
穀溫存贈有金似此情懷
良匪惡何嗟歲月去駸尋

再次韻時閏九月九日菊

秋來有菊即重陽曷問他鄉與故鄉
愁見飛蓬垂雪領笑舉
落盡入霞觴陶時莫訝逢餘閏遣興
聊圖不末傷歲晚移根
深記取勿令紅紫間中黃

再用前韻頌菊

天遣幽花駐獨陽移根應自白雲鄉
釀成斗谷千年液滿泛

瑤臺百寶觴人老容顏猶可返
歲寒霜雪復何傷得時無用
空妖冶愧死姚家宮樣黃

次韻和石末公聞有詔使不至

祈招旦夕動遐心疾首西歸望好音
鳳下丹霄雲杳杳魚飛
碧海霧沉沉徒言雨露無私潤
誰謂陽和未溥臨何日六師
能電掃周原依舊載馳駸

和石末公冬暖

總謂浮雲解作霖豈期雲氣漫成陰
何人奠璧頻瞻仰有客
悲歌歎毒滯頊帝權移天曷定神
龍用亢海徒深掩身未服
先賢訓向日空懷寸妙心

望江亭

柳拂江亭舊畫欄
望潮人去地應閑
寢園寂寞秋風裏
行殿荒涼野草間
白塔盡銷龍虎氣
荒城空鎖鳳凰山
興亡莫問前朝事
江水東流去不還

發紹興至蕭山

落日牛羊下綠坡
微風短檝拂晴莎
窮愁白髮真相得
悲感青春最苦多
水暖菰蒲沙鷁集
月明洲渚傍人歌
此時忽漫思身世
柰爾桃花滿眼何

宿蠟燭菴俊上人房

城外春江動客愁
江邊細草綠悠悠
還將短髮臨岐路
城上殘陽照戍樓
東風憶舊游
斜日遠天歸鴈急
薄寒孤館落花稠
青燈不放還鄉夢
一夜腸回一萬周

二月七日夜泊許村遇雨

漫喜晴天出北門
還愁急雨送黃昏
山風度水喧林麓
野樹翻雲動石根
宿麥已隨江草爛
新泉休共井泥渾
魚龍浩漫滄溟闊
澤畔誰招楚客魂

嘉興寄王昌言學正

去年相別鴈來初
今日相思柳拂渠
對酒放歌難再得
登高作賦近何如
黃華燁燁輕煙裏
碧草油油小雨餘
欲棹扁舟尋逸少
為愁妨寫換鵝書

感懷二首

新晴楊柳散春絲
長路行人有所思
愁上容顏青鏡識
寒生亭館落花知
高雲送雨來無定
獨鳥驚風去自遲
悶對亭前紫荊樹
同根那得却相離

不到西州又十年
青山白水獨依然
徒聞雞狗供輸盡
無那干戈迤邐延
天上九霄空玉燭
人間萬井共貪泉
草中攫取雲中送
坐待連茹紫闥邊

寄臺郎張質夫

春秋忽得故人書
喜極成悲淚滿裾
真野鴛鴦虛伯樂
魯門鐘鼓駭爰居
全家蕩析飢寒切
病骨支離志慮疎
敢以浮名

誤知已緘辭
寫意愧何如

水西寺東樓曉起聞鶯

日上高城柳影齊
風軒臨水看鶯啼
初來木杪鳴相應
稍入花間聽却迷
芳草自深句踐國
行人猶隔禦兒溪
思家每恨無輕翼
可對鸞華不憺悽

茶園別朱伯言郭公葵

細水吹烟送客舟
離情恰似水東流
此時對酒難為樂
何處尋春可縱游
去雨來雲天渺渺
輕蜂亂蝶日悠悠
絕憐短髮無聊賴
一夜如絲白滿頭

二月二十三日自黃岡還杭途中作

日照江邊春樹林
繁花亂葉感人心
花間蛺蝶漫多事
葉底杜鵑非好音
舉目山川成皓首
側身天地一沾襟
解憂惟有尊中酒
疾病年來已厭斟

晚泊海寧州舟中作

春霧今宵氣稍清
空江一舸客心驚
東流濁浪衝山動
西望長庚似月明
不有壟黃為郡縣
徒令未耜化戈兵
溥天何處非王土
無地安身愧此生

憂懷

群盜縱橫半九州
干戈滿目幾時休
官曹各有營身計
將帥何曾為國謀
猛虎封狼安荐食
農夫田父困誅求
抑強扶弱

須天討可恠無人借箸籌

春興七首

柳暖花融草滿汀
日酣烟淡麥青青
枝間好鳥鳴求友
水底寒魚陟負萍
異縣光陰空荏苒
故鄉蛇豕尚羶腥
感時對景情何極
悼徃悲來總涕零

忽聽屋角鬧晨鳩
起看園林綠漸稠
小雨霏霏涵日過
新泉細細入河流
殘花斷柳虛歸計
遠水他山聚客愁
鴻鴈南飛限蒼嶺
傷心何處問松楸

於越山城控海壖
春風回首忽經年
憂時望月青宵迥
懷土登樓白髮鮮
江上波濤來渺渺
雲中鴻鵠去翩翩
暮寒細雨

餘花落夢遠天涯到日邊

會稽南鎮夏王封菽日騰空紫翠重陰洞烟霞輝草木古祠
風雨出蛟龍玄夷此日歸何處玉簡他年豈再逢安得普天
休戰伐不令竹箭困輸供

卧龍山奠越王都群水南來入鏡湖苦恠桑田非舊跡還礮
雉堞是新圖白波翠靄浮天際綠樹青莎到海隅便欲投身
歸釣艇不知何處有尊鱸

深春積雨感年芳暮館輕寒透客裳翠柳條柔先改色紫蘭
花冷不飄香山中虎豹人烟少海上樓臺蜃氣長燕子新來
畏沾濕一雙相對立空梁

憶昔江南未起兵吳山越水共知名蘋萍日暖遊魚出桃李
風和乳燕鳴紫陌塵埃天斲步景畫船歌管列傾城于今征戍
誅求盡翻對鷺花百感心生

雨中遣懷

青春苦寒雨太多野水極目似秋波湖上芳草生已遍山中
美人愁奈何思家無計可鏟荆棘避地只恐觸蛟鼉落花零亂
晚風起坐看城頭烏尾訛

送岳季堅入計籌山

陽羨先生故將孫拂衣高蹈入玄門甕盈五粒松花酒食有
千年枸杞根自得詩篇留客誦頻來猿鳥識人言浮雲富貴

非吾愿此意陶公可與論

為賈性之題山水圖

不見唐朝王右丞世間畫史少知名何人貌得烟雨意靜聽
如聞風水聲遠岫帶雲纔隱約斜陽照樹却分明清泉素石
堪乘興欲買扁舟過此生

題雪竹圖

雪壓江邊脩竹林沅湘晚色起愁陰川光滉漾空清嶺山氣
玲瓏太白深未得稍雲邀鳳宿可能映水學龍吟無公含素
吹春律直節虛中恐不禁

題脩竹圖

九疑山下湘江畔多少篔簹覆碧湍自有清陰堪解愠也能
結實待棲鸞濛濛暖翠晨烟合顆顆明珠夕露溥長日焚香
對圖書青冥風雨共凄寒

題畫蒲萄卷子

西域蒲萄也自竒畫圖驚見墨淋漓迎風翠羽愔愔動帶露
玄珠纂纂垂此日散愁思釀酒幾回病渴想如飴春窓隱几
成幽夢應共張騫到郅支

蕭山山行

積雨今朝天氣佳山亭曉色上林花未湏汗漫思身世且可
逍遙翫物華偶值斷橋妨去路却隨脩竹到隣家籬邊野鴨

驚人過撥刺飛鳴落遠沙

蕭山任氏山堂

新堂結構倚巖阿地僻無譁樂
多日上黃鸝鳴翠竹雨餘
紅鯉躍清波消除暑氣憑松栢
可卷煙嵐任薜蘿珍重主人
能愛客衰顏聊復爲君配

以紈扇贈奎上人并寄以詩

新裁紈扇如圓月寄與靈峰奎
上人不共青蒲爭巧拙好將
白氎伴清新薰心炎暑誰能敵
應手涼風自有神莫怨秋來
藏篋笥明年朱夏更相親

靈峰寺樓雲樓

靈峰之中樓倚山山雲日夕棲
其間九霄雨露隨高下六月
風雷送往還青嶂暎光浮藻
梲銀河夜氣濕松關天台向上
無多路鷲嶺烟霞此可攀

題瑞上人山水圖

上人性僻耽山水應是王維第
二身蘭渚流觴新到越藍田
別業舊通秦驅馳翰墨迴龍虎
斂美風雷感鬼神羈旅相逢
聊自慰莫思天地有烟塵

普濟寺遣懷

江上西風一葉黃
莎雞絡繹滿叢篁
物華乘興看都好
時序逢愁速不妨
露下星河光瀲灩
月明巖谷氣清涼
願聞四海

銷兵甲早種梧桐待鳳凰

崇福寺儔上人看山樓

為愛山中世事疎看山終日坐茅廬
林花澗草香無際翠壁丹崖錦不如
禹穴風雷翻石鷁耶溪波浪動金魚
此時應寤幽棲樂底用凌雲戲子虛

宗上人溪山亭

湖上清溪溪上山山亭結構俯人寰
窓中樹色宜晴雨門外灘聲自往還
鍊藥井寒玄鶴逝采蓮舟去碧波閑
春蘭秋桂年年好憔悴風塵漫厚顏

題水墨蓼花草蟲

為愛江頭紅蓼花秋來獨作草蟲家
尋香粉蝶應隨夢采蜜黃蜂不趁衙
絡繹語殘涼露滴蜻蜓立困晚風斜
畫圖水墨驚初見却似扁舟過赤沙

題山水圖為寶林衍上人作

雨過秋山日欲曛白雲如雪擁山根
高松浥露和烟冷迸水穿沙出谷渾
擬向蘿陰緣石徑却尋花片入桃源
畫圖應有通神處他日相從子細論

次韻和新羅巖上人秋日見寄二首

露冷風清木葉疎蓼花莎草沒階除
子雲詞賦空投閣仲蔚蓬蒿漫索居
群盜只今齊得意故鄉從此遂無書
鏡中短髮

非松栢歲晚看看不似初
愛汝精藍抱翠微青松綠竹共依依龜臺落日明霞綺鰓井
寒潮長石衣銀杏子成邊鴈到木犀花發野鷺飛鍾殘永夜
禪心定一任秋蟲促杼機

重用韻峇巖上人

坐見風霜百草踈却憐光景漸消除萍蓬飄蕩三年客松菊
荒涼五畝居陋巷蒼苔封蟻垤空庭黃葉帶蟲書江楓恰似
知人意強學芳菲二月初

江水東流西日微閑身不繫獨何依塵埃爽颯枯蓬鬢霜露
淒涼破衲衣百粵雨餘山翠合三韓雲淨海青飛滄溟自古

通天漢夢繞黃姑織女機

再用韻峇巖衍二上人

厚祿故人音問踈天官不擬介推除莫思浮世塵埃事好共
深山木石居月滿高樓留客話燈明寒榻課兒書城頭鼓角
沉沉夜腸斷鄉關入夢初

蔓草萋迷野色微嗷嗷鳴鴈欲誰依殘花露淡胭脂壓落木
霜凋薜荔衣萬國舊聞車軌一九州今見劫塵飛總戎安得
英雄將不放龍蛇起殺機

復用韻峇巖上人

閉門無事往來踈窓外從他草不除食肉已忘三月味謀身

欲去九夷居人情自古懷鄉土天下何時罷羽書莫向西風
苦惆悵白雲流水只如初

西風吹樹夕陽微斤鷓鴣各有依幕府三年雙短鬚鄉關
千里一沾衣江淮渺渺人烟少梁楚茫茫鬼燐飛誅暴保民
黃石畧將軍莫自失戎機

仍用韻酬衍上人

多愁祇覺世情疎愁極憑誰與破除江海烟塵羈客淚雲山
桑梓別人居高風斷鴈惟將恨衰草殘螢不照書世亂弓刀
方有用休誇新句逼黃初

歲莫天寒生意微空林鳥雀自相依有情霜葉欺花貌無用
風荷象客衣西塞鼓鞞山岳震東郊羽檄海波飛傳聞有詔
頒南服早晚陽和幹化機

又用前韻

樹頭寒月影扶疎天上清霜下玉除紫塞風高鴻失路碧梧
枝冷鵲移居虎頭曠日糜倉粟牛腹中霄詫帛書見說抱關
堪避世稗官猶可學虞初
西風吹面雨霏微片片浮雲水上依鴻鴈群翔營口實鳧鷖
對立惜毛衣關河慘烈時將晚原野蕭條葉自飛慚愧江湖
一萍梗厭聽伊軋響隣機

題寒林圖

搖落江邊秋樹林
淒涼夕客二毛侵
藤蘿歲晚龍蛇死
叢薄天寒虎豹深
流水斜陽人遠近
青烟白草鴈飛沉
桂花自在山中發
悵望西風起夕陰

題訪隱圖

忽憶山中陶隱居
杖藜衝曉謁茅廬
林花浥露紅無比
澗草含烟綠有餘
金鼎丹光纏日月
銀河流水到階除
松間白鶴通人語
長向瑤臺寄遠書

宿賈性之市隱

今年冬雨不作雪
屋頭鳥聲渾似春
絕憐草色綠鋪地
可愛梅花白照人
特物已迎新歲換
交情空向異鄉親
忽思昨夜

殘燈裏錯認還家夢
是真

題陸放翁湖上詩後

放浪江湖一老翁
若耶溪上幾春風
門前流水斜還直
籬外閑花白復紅
甚欲賦詩追杜子
也能縱酒學陶公
細看墨蹟成懷古
歎息他鄉類斷蓬

次韻和孟伯直感興四首

五載江淮百戰場
乾坤舉目總堪傷
已聞盜賊多於蟻
無奈官軍暴似狼
綠水青山人寂寂
長烟蔓草日荒荒
弟兄零落音書絕
腸斷春風一鴈行

無用文章豈療飢
勞生筋骨已支離
窮愁杜甫家何在
落魄

陳平計未奇草澤狐狸三窟固江湖波浪一帆危故園春色
年年到綠葉紅花好為誰

平時盜賊起成雲厚祿能忘愧庶民樽俎自高廊廟策經綸
不用草茅人思家遠道風塵惡爭食空山虎豹嗔莫怪洛陽
年少客持書痛哭向楓宸

多事繁花白映紅無愁細草綠浮空春秋迭代人先老天地
生成意不窮鳳鳥長辭西嶺樹鯨魚白起北溟風幾時學得
玄真子箬笠蓑衣一短篷

次韻張德平見寄

漠漠長烟野色昏霏霏細雨濕衡門乾坤象緯尋常轉江海

波濤日夜翻賈誼奏書哀自哭屈原心事苦誰論近逢使者
徵遺逸說道巖廊納讜言

題承天觀

吳山頂上承天觀玉牒金符鎮地靈百尺樓臺依斗極九霄
風露出牕櫺江聲洶湧蛟龍闕雲氣虛無翡翠屏見說蓬萊
恰相對仙凡只在隔滄溟

感興三首

病骨愁寒憶見春及觀春色却愁人轉添細草當門徑不惜
穠華委路塵去國杜鵑紅淚盡傷時庾信白頭新風波滿地
鷓鴣鳥相趨衙魚飽一身

二月江南雪片飛吳山寒色動征衣莫尋花徑防泥滑且掩
衡門待日晞弱柳先舒應自損蟄蟲已出更安歸乾坤處處
旌旗滿肉食何人問采薇

春院微風栢葉垂朝寒坐看雀爭枝娟娟墜雨拋蒼蘚點點
輕花赴綠池景物關情悲自老江山滿目惜時危長生應有
真仙訣漫把黃金駐黑髭

可歎

風雨蕭蕭聽曉雞忽思世事一悲悽當時重禁藏矛戟今日
呼令學鼓鞞未見爭鋒曾奏捷徒聞却走不先迷劫灰日夜
飛相逐隨處空林有燕棲

柯橋靈秘寺即景贈基上人

盡日陰陰風墜花樓前溝水發芹芽青春院宇僧房好白晝
豺狼客路賒對坐蝦鬚迴舞燕出門鳴尾立飢鴉相期握手
何時再五月芙蓉隘若耶

次韻和石末元帥見贈二首

雨過前溪曉色新山城草木靜埃塵殊方負固猶蝸角此地
偷安賴虎臣高閣綠蘿相對晚畫闌紅藥不勝春誰憐衰病
兼疎拙漂泊東西一旅人

元戎玉帳擁旌麾武畧文韜並出奇構厦可堪無大匠安邦
曾見活危碁此時山斗歸民望他日龍影簡帝思我輩迂狂

垂世務趨風執御更何疑

雨中寄季山甫二首

山雨隨風去復來南明晚色動樓臺猶憐仗節中郎在不見
乘槎使者迴感興詩成聊自遣忘憂花好為誰開偏嫌近水
多螻蝻水夜喧呼聒夢回

長夜雨多泥沒車白日閉門人跡踈階下水衣看上壁庭前
簷溜欲成渠閑花自發無勞種蔓草從生不遣鋤想見幽棲
張仲蔚蓬蒿如樹塞園廬

五月二十九日喜雨奉賀石末元帥

使君設醮天皇格道士陳章玉女開遂遣赤公來作雨更教

玄武下乘雷涼颺細拂花間入潤色新從草際回豈但農夫
嗔一飽野人亦有酒盈盃

用前喜雨韻寄呈石末元帥時戍卒有不軌謀蓄而
未發公治之以意卒遂返正故發之以言且并志祈
雨有應也

將軍渡水流漸合大守彎弧巨石開但覺誠心通日月不知
生意在風雷思尊未許歸張翰結草終當獲杜田可惟踈狂
謫仙子兼旬浪飲六千杯

題紫虛觀用周伯溫韻

少微山直太微宮山下樓臺起半空丹井石床纏地絡瓊牕

翠戶出天風傳聞仙子常時到應是神霄有路通會待九秋
明月夜高吹鐵笛上青葱

題紫虛道士晚翠樓

晚翠樓子好溪南溪山四圍開蔚藍微陰草色盡平地落日
木杪生浮嵐巖畔竹柏密先暝池中芰荷香欲酣聞說仙人
徐泰定騎鸞到此每停驂

葉叔安南溪草堂即事

溪上草堂盈十尋疎楊密竹各成陰綠烟繞舍垂畦靜白水
常開稻遂深過雨忽翻金碧影涼蜩亂發管絃音此時不省
愁何在坐到鴉棲月滿林

妙成觀北亭用何逸林韻

最愛雲山滿目前更憐亭榭俯清川草深林藹迷樵徑花落
巖霏點客船碧澗金芝新出地丹崖石穴舊通天神仙應在
樓頭上翠羽霓旌下日邊

以黎餉石末公侑之以詩

山人見餉含消實青紫相排箇箇圓共道解煩同絳雪也知
止渴勝甘泉種從漢武樊川得名並張公大谷傳珍重使君
方閔雨急須走送滌熬煎

遣悶東石末公

綠楊落盡白楊枯坐石徒令歲月徂尚想藩臣知患盜豈期

驛使似投巫當時秔稻通遼海今日風濤隔具區豺獮可堪
專節鉞衣冠何以拔泥塗

次韻和石末公中秋不見月詩

一年明月中秋好萬里長空此夜陰雨暈青燈昏遠思蟲鳴
黃葉亂鄉心見愁盜賊氛猶惡莫恠乾坤氣尚淫便欲捫蘿
上天柱九霄風露恐難禁

次韻和石末公七夕詩

天上傳聞會兩星清秋夜色湛玄冥蚌胎隱見銀蟾窟鵲翼
高低玉女輶一水經年纔邂逅七襄終日豈神靈勞生厭事
惟思睡獨卧無心覲帝青

再和倒用前韻

天官垂象煥空青會合徒聞帝子靈三武夜開千石簾兩旗
晨轆七香輶芳帷瓜果紛祠祀霄漢雲霓隔晦冥惆悵多憂
江海客登樓獨自看台星

病足戲呈石末公

旻天空我作支離病瘡纔除足就羸跬步不妨猶似鼈蹕行
那得更憐夔抱珎獻楚何堪再斫樹收龐亦未遲塞叟于今
知匪禍周雞從此免為犧

遣悶呈石末公

公庭春樹秋重綠但見鴟鳩日日鳴不雨正當三伏熱看雲

無柰百憂生草間群盜俱糜爵天下何人尚力耕漢法幾時
還再復白頭猶得詠昇平

庭前萱草花落已久至秋復開感而作詩東石末公
露下蛩鳴寒氣催蕪葭葉響鴈歸來鬢毛已為憂生白護草
何須晚更開娟娟悲風吹落木炎炎赤日走黃埃干戈未了
仍飢饉人事天時總可哀

次韻和石末公閔雨詩

騰雲降雨指龍功况復山川祭秩隆豈意愆陽為沴氣忽過
炎夏到秋風祈年勞酒儀徒備登穀嘗新望已空享祀未應
無報稱可堪不殺待時豐

再用韻

旱魃為妖殄歲功田疇龜折徧汗隆無多過雨纔鳴葉不定
行雲又逐風蔓草荒烟秋社迥黃沙白葦暮江空愁來漫憶
淳于祝却愧靈祇享祀豐

妙成觀道士劉雲心挽詩

少微星下葬神仙白玉樓中迓翠輶弟子焚香玄鶴逝天宮
肅駕紫鸞翻金丹縹緲空山月鉄笛淒涼遠樹烟溪上故人
如見問碧桃花裏過年年

次韻和石末公聞海上使命之作因念西州愴然有
感二首

巫閭折木天空濶桐柏終南水亂流
邑里蕭條無吠狗田疇蕪穠少耕牛
萋萋蔓草隨人遠淡淡殘陽向客留
蓬蓬飄零偏感舊幾迴垂淚睇神州

弟子輿尸漫有師圯橋誰共老人期
龍魚並出應難識樗櫟無庸幸見遺
每上樓臺瞻北極願聞波浪帖南陲
吳山越水元相接莫更中流下鐵椎

驛傳杭台消息石末公有詩見寄次韻奉和并寓悲

感二首

被讒去國終思楚厚貌深情漫劇秦
未識龐萌真老賊妄期侯景作忠臣
池魚幕燕依棲淺軒鶴冠猴寵渥新
何處荃蘭

不蕭艾種蔬猶得養閑身

喪亂如川未有涯悲風滿地是蟲沙
衰遲兩臂從生柳疾病雙眸但隕花
暗菴寒蟬秋色老丹楓紫菊夕陽斜
頗聞四國思郇伯尚想詩人賦木瓜

再次韻二首

南州昔日稱三楚西國今聞又一秦
有爵與縻亡命賊無才深媿具官臣
青冥鸞鳳風塵隔畫省貌貅服色新
悵望令人憶李郭誰能匡濟想捐身

深秋蔓草接天涯極目飛鴻沒遠沙
綠水青山長送目汀蘭岸蓼各生花
風來西塞雲陰合濤落東溟蜃氣斜
歎息笙歌

舊亭館壞垣鼓棘老王瓜

次韻和石末公感興見寄

使君學術似文翁奕世流芳緝武功赤芾青衿來燕喜黃童
白叟望車攻筆端波浪翻三峽旗尾龍蛇動八風慚愧謫才
多謬誤憂時獨有此心同

次韻和石末公無題之作

秋風嫋嫋作商音落葉枯荻日夜深已為抵烏投白壁徒勞
點鐵真黃金軒轅未必迷襄野夸父終當死鄧林咲撚束籬
菊花蒞天寒歲晚爾知心

次韻和石末公九日見寄

去年見鴈思鄉里今歲還鄉鴈不來此地淒涼逢九日何時
清切覩三台莞茅夜冷蛩蟄急禾黍秋空鳥雀哀辟難無勞
效桓景巢居隨處壓崔嵬

陳太初充兵應點作詩戲之

無僕無臺一老儒夢聞茅屋近通衢忽聞巷長呼排甲急換
戎裝出荷戈就列敢辭長拱立隨群獨作沒堦趨西風鼓角
秋宵永明日青鬣是白鬚

次韻和石末公開讀有感

百年萬國奉王正相業臺綱屬老成山海若時共職貢郊原
何處有戈兵廟謨可使歸權倖祖訓由來重變更歆叫天關

無羽翼拊心長嘆不勝情

秋夕有感柬石末公

獨立西風聞莫蟬起看時物愴流年
星臨野樹輝輝動露出
庭莎的的圓無柰素絲侵綠鬢
却嫌黃菊似金錢烟塵滿眼
難回首惆悵高堂坐細鱣

次韻和石末公自訟之作

綠駢驛騶不服驂王良造父亦難堪
羨君名重中台上勲業
終光北斗南露井淒風殘綠少霜林落日亂紅酣
侯封職在同藩
舜班爵無勞阿伯男

立冬日作

忽見桃花出小紅因驚十月起溫風
歲功不得歸顛項冬令
何堪付祝融未有星辰能好雨
轉添雲氣漫成虹蝦蟇蛺蝶
偏如意旦夕蜚鳴白露叢

丙申歲十月還鄉作七首

溪上寒山淡落暉溪邊風送客帆歸
故家文物今何在平世
人民半已非華髮老翁啼進酒蓬頭稚子咲牽衣
自嗟薄質
行衰朽未覩明廷賦采薇

風急霜飛天地寒草黃木落水泉乾
千村亂後荒榛滿孤客
歸來拄淚看野宿狐狸鳴戶外巢
居烟火出雲端黍苗處處
思陰雨玉粲詩成損肺肝

故園梅益依時發異縣歸人見却悲花自別未難獨立人今
老去復何之未能荷鋪除叢棘且可隨方着短籬等待薰風
暄暖後枝間看取實離離

手種庭前安石榴開花結子到深秋可憐枝葉從人折尚有
根株為客留枳枸悲風吹白日若華高影隔青丘壤垣蟋蟀
知離恨長夜淒涼弔獨愁

舍北草池寒已枯草中時復見菰蒲濫泉窟沸無留鮒弱藻
蒙茸不繫鳧綠葉紅花空代謝春蛙秋蚓任喧呼窺臨最憶
琴高鯉騰駕風雷定有無

小舟衝雨清溪上雨密溪深宿霧昏游子到家無舊物故人
留客歎空尊荒畦蔓草纏蒿草落日青猿叫白猿語罷不須
還秉燭耳聞目見總銷魂

五載辭家未卜歸歸來如客鬢成絲親知過眼還成夢事勢
傷心不可思且喜松楸仍舊日莫嗟閭井異前時修文偃武
君王意鑄甲銷戈會有期

冬至日泊舟戈溪

日薄雲陰雪在山野寒溪靜客舟還乾坤皴蕩逾三載風俗
乖張似百蠻廢井衰蕪霜後白空村喬木曉餘殷獨憐節序
逢冬至不得安棲學閉關

次韻和石末公紅樹詩

詩意集 卷十六
紅樹漫山駐歲華
玄冬驚見眼生花
井陘旗幟軍容盛
汴水帆檣御氣賒
春草淒迷金谷障
夕陽照灼赤城霞
靡泝舟木扶桑裏
惆悵誰乘博望槎

次韻和石末公元夜之作

八表流雲澄夜色
九霄華月動春城
條風細細吹旗影
香藹微微引漏聲
河漢虹橋應斷絕
滄溟鼇足漫崢嶸
愁來更聽漁陽操
獨倚闌干坐到明

石末公再賦元夕見寄用韻酬之

東方月出魚龍窟
北極雲開虎豹關
渤澥青丘金作水
崑崙赤岸玉為山
風光豈減常時好
燈火嗟逢此夜慳
聽盡殘鐘

成不寐那無飛羽入玄閭

丁酉七月十四夜望月仍蝕且旣而司天報亦不至

因感去年作此寄石末公

山城望月中元夜
天運循環四序周
顧兔又從銀漢滅
磔墓空抱玉川憂
清臺視稷當箕尾
仙使乘槎隔斗牛
安得寄書憑去燕
為言桂樹不勝秋

題烟波泛舟圖

舊遊憶鼓湘湖權
日淨風微江練平
小艇曲穿花底出
遊魚相伴鏡中行
別來漫想心徒切
畫裏重看眼亦明
素石蒼松是何處
願從巢父濯冠纓

為王彥和賦槐堂

晉公庭上三槐樹千載流傳是德符今日耳孫思繼述昔年
手澤歎荒蕪當窓欲看屯雲葉夾徑先栽帶雨株會見枝頭
金粟蓋秋風吹送上天衢

社日偶成奉呈石末公

昔聞同社燕鷄豚今見操戈競一殮松栢空壇飢鼠出扮榆
落日亂鴉喧地連吳會嗟何蹙民是周餘不半存踈嬾渾愁
聞世事治龔有酒漫盈尊

次韻和林彥文劉山驛作詩

青泥九折度危峰翠木千章集遠風欲為流離安保障寧辭

辛苦涉蒿蓬梧桐葉落無棲鳳荆棘枝寒有怨鴻旦夕升虛
聊望楚何時重賦定方中

次韻和余嘉賓御史見寄

二紀相思欲奮飛百年心事苦相違風塵跋涉容顏改豺虎
縱橫信使稀忽枉緘書如見面不勝悲喜却沾衣有懷欲語
無由寫駉馬天涯幾日歸

次韻和石末公月蝕見寄

涼氣開秋桂未花青天見月漫咨嗟玉毫撲朔此中兔金背
熒煌何處蟞百鍊精銅纔照膽連城白壁底生瑕誰能鼓劔
披氛褻莫遣東郊馬歎沙

即事有感呈石末公

葵藿傾心嚮大明參商瑣瑣只尋兵蛾眉欲擅三千寵魚翼
難通九萬程貝錦笙簧鳴鳥瑞明珠琢玉泰山輕兩階干羽
聞來格分北猶勞不聖主情

次韻和石末公感懷之作

鳳去深林鷺在庭西風回首故山青杞人岌岌憂將殞楚國
茫茫醉不醒自覺艱虞多錯午誰憐耗教祝寧丁金芝玉蕨
其如蜜歲晚吾從董五經

聞盜過界首李君山甫亦蒙訪及以詩唁之

妖星何故犯奎躔鶴上雲霄鯉入淵寇退喜聞曾子反書焚

尚賴伏生傳蠶酸併與青穰去瓜苦空餘綠蔓牽慚愧杜郊
湯博士白盞赤米數相憐

次韻和石末公中秋翫月

一年二六團圓月此夜光輝獨耐看銀漢波濤三島接玉京
風露九霄寒方欣酷暑隨時去只恐清商促歲闌更上南樓
瞻北極那無鴻鴈報平安

次韻和十六夜月

纔圓又缺中天月猶自寒光媚老蟾承露仙人珠落掌別風
樓觀雪生簷玉階桂影鬢鬢薄金井苔花漸漸添坐久城頭
聞夜柝半愁清興苦相兼

再次韻
永夜涼風吹碧落
深秋白露洗明蟾
金波灑灑將流瓦
玉磔熒熒恰近簷
貝闕寒生魚腦滅
龍宮氣肅蚌胎添
從軍不廢篇章事
倚賴元侯智勇兼

次韻和劉宗保秋懷二首

眼見賓鴻去復回
可堪雲霧隔瑤臺
黃花自在山中發
青鳥何由海上來
墻角蟲號瓜蔓索
樹頭禽嚇栗房開
涼蟾照幙還清夜
慚愧千村野哭哀

蛩螿啼露作悲愁
鵬鴉搏風樂素秋
莫訝繫匏長不食
亦知神劔解相求
翰林白髮三千丈
吏部回腸一萬周
借問何如

青白眼酣歌竟日為身謀

次韻和石末公九日無菊詩

籬菊無花冷夕陽
西風空送鴈還鄉
已妨少昊頒時令
更阻淵明泛酒觴
生意循環深自識
年華逝水去誰傷
愁來最愛霜中葉
滿眼殷紅間淺黃

野行偶見紅樹悵然有感呈石末公

紅樹傷心夕照前
漫山映水為誰妍
樹當搖落人尤惜
人自憂愁樹不憐
九譯未通青鳥使
四郊猶漲綠林烟
野夫病足思休息
藉草棲櫓擬晏眠

次韻和石末公紅樹詩

岸柳江蒲總戚施
柏林辛苦擢金支
虞人詫見炎官傘
候騎訛傳漢將旗
照水熒煌空銜貌
因風飄落竟從誰
應慙若木生
賜谷長駐跋烏燭
崦嵫

次韻和石末公悲紅樹二首

乾坤何處非王土
稂莠誰令滿大田
未掃綠林千嶂裏
還看紅樹九秋前
吳宮露冷蟬何在
漢苑風悲鶴自憐
却羨魯陽功德盛
揮戈回日至今傳

霜與秋林作錦幃
一朝霜重却全稀
坐看絕豔成塵土
應寤浮華是禍機
驚鵲月明難自定
窮猿歲暮欲何歸
猶憐有客期歡賞
太息斯須志願違

詔書到日喜雨呈石末公

將軍鐵馬高秋出
使者樓船渤海來
甘雨恰隨天詔下
凍雲應與地圖開
枯黃背日紛紛落
細綠迎春萼萼回
悵望山中多病客
坐看烏鵲遶庭梅

感事呈石末公

前飛鷓鴣後駕鵝
天闊風高柰汝何
不羨焦頭居上客
空憐舐痔得車多
深山虎豹來城市
落日鼉鼉出薜蘿
薇蕨可羹魚可膾
白雲長自在岩阿

贈西岩道元和尚

西岩寺裏雲巢子
不到人間幾十年
杖錫野猿迎路側
談經

山鬼拜燈前塵飛劫火青春夢雪滿長松白日眠近得淵明
入蓮社興來時復有詩篇

題王伯衡縣尹桑陰圖

漁陽太守之官後種得桑陰比召棠麥隴風微雲委甸茅簷
日暖雪盈筐倉庚過去青枝動戴勝飛來紫椹香千載先生
同此意為君重賦兩岐章

次韻和石末公漫興見寄二首

王侯古有興屠狗即吏今無善牧羊青海風波騰罔象紫霄
氛侵鬣搖光江寒逝水東流急天遠冥鴻北去長莫笑烏鳶
惡毛羽翻飛齊得造鸞行

濟世何人希管樂隱居無處覓求羊扶桑未換暘烏彩腐草
猶爭燭人光百載承平戎馬佚七年戰伐艾管長長沙遷客
能流涕一日須垂一萬行

聞鳩鳴有感呈石末公

郊原過雨東作始枝上鶉鳩鳴可憐此地巢居猶葺壘他鄉
去子望歸田匡時勢異民思漢憂國心隨鴈到燕逝水自流
人自老倚楹長憶至元年

戲和石末公催太初畫山水之作

春蠶吐絲作成蠶辛苦為人身上衣畫史等閑揮彩筆女工
顛顛倚空機高堂素壁峰峦出暮雨朝雲夢寐歸可恠唐朝

杜陵老瘦妻短褐有光輝

和石末公冬暖

世亂干戈日夜尋
可堪災沴又相侵
烟霞出地皆成稷
雷電飛時肯作霖
祝錫漫勞遵故事
問牛誰復軫憂心
小蟲未寤年光晚
猶抱枯荻學苦吟

雨中呈石末公

去年三冬暖不雨
今年孟春寒有餘
大雲垂垂壓宇宙
密雪袞袞飄庭除
安排白水與泛舸
醞釀青泥容沒車
辛苦陌頭楊柳樹
含顰等待太陽舒

和石末公見示育字韻

長想天涯皆內地
忍看閩外即他鄉
扶生可惜罄無緩
救死寧堪鬼在盲
郡縣誅求應到骨
乾坤戰伐徧成瘡
遼東華表雲間鶴
相見相思總斷腸

次李子庚韻

風落餘花春事非
愁心烟雨兩共罪
罪溪雲不作從龍起
山石何須學燕飛
籬下舊存彭澤菊
林間新長首陽薇
夜闌忽漫聞啼鳥
腸斷天涯信使稀

早春遣懷

正月餘寒未放春
漫空飛雪舞隨人
新年對客情何限
濁酒於予意獨親
澗底流泉渾似玉
門前細草總成茵
鶴歸自愛

山能靜豹隱方知霧有神

雨中遣悶

雨漬愁雲重不飛山蒸冷霧襲人衣亦知屏翳空多事只恐
羲和失所歸歲晏波濤東逝急天寒鴻雁北來稀殘燈永夜
清無焰坐聽飢猿響翠微

聞猿有感

猿響秋山夜向闌白雲如雪擁林端鍾儀楚奏難成調蔡琰
胡笳欲罷彈澤畔離騷餘怨恨巴東涕淚想沉瀾唯應華表
歸來鶴明月清風共歲寒

漫成

老去知心更有誰愁將短髮對花枝花殘更發新春葉髮白
空垂蒲面絲縱酒放歌憐往日倚闌聽鴈立多時若為化得
掉風翻汗漫東西信所之

感興

百年疆半已無能愁入膏肓病自增千里江山雙白髮五更
風雨一青燈繁絃急管誰家宅廢圃荒窰昔代陵不寐坐聽
雞唱盡素光穿牖日華升

夜坐

殘缸背壁翳還明坐擁衾裯閱五更雲捲星河垂永夜霜飛
鼓角靜嚴城飄搖莫計餘生事老病都非舊日情想像故園

憑夢到愁來轉使夢難成

蔣山寺十月桃花

王母桃花此地栽風霜搖落為誰開琳宮玉座同黄土絳蕊
丹時自綠苔度朔烟霞違夢想武陵雲水怨歸來殘蜂剩蝶
相逢淺黃菊芙蓉莫浪猜

寒夜

月上前山夜寂寥江城鼓角放寒宵魚龍水落滄溟靜鴻鴈
聲來紫塞遙風物自應隨律轉霜髯爭得見春消青釭冷暗
愁眠怯樓外頻移北斗杓

漫成

愁將短髮逢搖落漫把殘燈照寂寥兩地身心悲夜鵲五更
鍾鼓夢春潮驚寒栢葉垂垂靜向日霜華泫泫消悵望烟塵
滿長路紫芝空長故山苗

題秋江獨釣圖

秋風江上垂綸客知是嚴陵是太公細水浮嵐天與碧斜陽
炙面臉生紅形容想像丹青在歲月荒涼草澤空日暮忽然
聞欸乃蓼花楓葉忘西東

題墨竹

蒼梧山下無窮竹盡是湘妃淚種成煙雨不銷千古恨珮環
震度九秋聲見愁牧豎乘時伐可待伶倫學鳳鳴獨立淒涼

對圖畫為君惆悵一沾纓

雪中有懷章三益葉景淵

歲莫懷人雪滿天
飢烏病客對淒然
地爐無火同誰坐
石硯生冰盡日眠
粟里何時歸白髮
茅簷幾處起青烟
稻畦麥隴看春及
土膏泉滋識有年

白髮

白髮應同春草並
風吹一夜滿頭生
欲收浮豔歸根柢
故遣芳菲定老成
碧瓦曉霜憐變滅
紙窓宵月妬分明
據鞍上馬非吾事
賴爾粧嚴意不輕

愁感代哭

燕鴻北去又南來
斷壟荒岡幾劫灰
慈母磯寒風落木
望夫石老雨添苔
江流定與天河合
客淚逐經地底回
未必春光便銷歇
白華猶發燒殘梅

冬至

冬至微陽斡化機
閉關獨坐正相宜
白楊風掃經霜葉
翠柏冰凝泣露枝
日轉天南林影覺
春生地底水泉知
物華過眼成今古
愁絕看雲有所思

黃州團湖董氏鏡心樓

團湖四面開明鏡
中有高樓接泰清
絳氣往來蟾影入
碧光浮動日華生
雲間威鳳孤飛下
空裏遊魚作隊行
安得翠軒

呼弄玉金銀臺上卧吹笙

寄黃仲美

二十年前別故人
乾坤何處不風塵
一缸阻對簷花夕
素髮羞同野草春
紫極星辰空有象
青冥浩氣浪吞無
津歡華過眼成
今昔苦憶元方淚
滿巾

春城

春盡江城不見花
似知白髮畏韶華
戰爭故習俱無賴
喪亂餘生未有涯
三島虹蜺昏日月
二儀風雨化龍蛇
何年首谷歸滄海
尋取河源泛客槎

舟中

雨翳青燈靜客舟
輕寒只戀敝貂裘
漫山薄霧穿牕濕
漱石鳴泉拍枕流
身在壺中天
萬里夢驚華表鶴
千秋愁來滿淚都
成血
直到滄溟水盡頭

還鄉
至婺州聞官軍自溫處之江東所過皆空遂從間道

聞道人家總避軍
我亦獨穿豺虎群
莫思身外路多棘
且喜雨晴山出雲林
端石磴鶻自占澗底
風松猿共聞他年
想象或夢到兩鬢
白雪應紛紛

遣興

白露如珠滴素秋
啼螿絡緯寂然收
烟開碧水浮天遠
月帶

銀河入海流艷艷霜林張綺纈瑋瑋風葉落鳴球此時旅客
篝燈坐無柰黃昏一餉愁

搖落

搖落江天氣慘淒野黃雲白惑東西可憐飢鼠當人立無柰
寒鴉向客啼杳杳夕陽葭浦闊茫茫秋水稻田低銷魂何地
歸衰疾觸處烟塵沸鼓鼙

秋夕

柏葉蕭疎柳葉黃露華如玉綴空廊丹心欲共燈花結白髮
偏隨漏水長月色故園同窈窕蟲聲此夜獨淒涼寒鴉莫更
啼金井衰病能堪幾斷腸

感興七首

昭代仁聲浹九夷野無矛戟有鉞基誰言潢海操丘纂却產
宮庭制禮時廣路駢駢周四牡陰風肅肅漢靈旗弔民伐罪
元戎事旰食宵衣上聖思

清時不樂道干戈鼯鼠其如虎豹何淮海風雲連鼓角湖山
花木怨笙歌紫微畫省青烟入細柳空營白骨多惆悵無人
奏丹宸側身長望涕滂沱

衣冠共喜際雍熙豈意豺狼負盛時禮樂百年忘戰久風雲
八陣得才遲神謀不是問閭識廟筭誰聞黼袞思慚愧鰥生
懶無用江湖愁望鬢成絲

將軍意氣薄丹霄欲把孤航截海潮
蘓武節來無忌死岑彭營
惡子陽驕鳴鴉詩奏忠誰白松柏歌成恨豈銷
悵望天涯一灑淚鯨鯢罔象雜三苗

落日悲風雲滿川家家閉戶少炊烟
也知渤海無龔逐漫憶邯鄲有魯連
三尺青萍思出匣數莖白髮望歸田
請看如鏡南樓月此夜清光最可憐

天弧不解射封狼戰骨縱橫滿路傍
古戍有狐鳴夜月高厓無鳳集朝陽
凋戈畫戟空人物廢井頽垣自雪霜
漫說漢庭思李牧未聞卽署遣馮唐

天上九關森虎豹人間七澤起龍蛇
塵埃不辨風雲色雨露全歸枳棘花
秦國有人迷鹿馬周郊無土載蟲沙
淮濱何日歌常武腸斷嚴城戍鼓搗

越山亭晚望

越絕孤城枕海湄越王亭下景遲遲
雲埋夏后藏書穴草沒秦皇頌德碑
鑿齒未馴虞禮樂戈船猶駐漢旌旗
春風淡蕩吹楊柳咲看吳鉤有所思

謁夏王廟有感

一片宮垣粉牘新前王陵廟在松筠
玉書金簡歸天地貝葉曇花詫鬼神
滄海波濤紆職貢山川草木望時巡
苗頑未狎屢階舞空使忠良淚滿巾

寒夜忽然有懷周紫巖先生遂成口號奉寄且以酬
黃柑之惠

柱下先生住紫巖倚天愁嶺氣巉巖客來每託青猿報書寄
還憑白鳳銜日上寒光生水石月明晴翠落松杉旅人珍重
黃柑贈愧乏瓊瑤荅素緘

冬暖

今年南國天氣暖十月赤城桃有花江楓未肯換故色汀草
強欲抽新芽野畦落日舞殘蝶小池過雨喧鳴蛙城上幾時
罷擊柝愁見海雲蒸晚霞

漫成

春雨日日送愁來雨中百花渾未開青山不見神禹穴碧草
已滿越王臺魚兒弄水浮還沒燕子尋巢去却回頭白楊雄
嬾獻賦衡門從此掩蒿萊

夏日雜興七首

眼見青苔上短垣忽看碧草翳衡門西來急雨寒聲壯東望
扶桑曉氣昏征戍誅求三載外詩書禮樂幾家存天涯地角
風塵滿極目雲霄漫斷魂

愛此南園僻有餘依稀景物似郊居風軒自舞蒼筤竹蓮沼
雙遊赤鯉魚釀酒剩收元亮秫換鵝時寫右軍書人生縱意
惟踈嬾莫遣門多長者車

聞道中原沸似糜，倚楹長嘯不勝悲。
百年城郭連烽火，千里蒹葭委蕪藜。
南國久紆方叔旆，東郊未返魯侯旗。
五湖何處堪垂釣，腸斷松楸入夢思。

故里無書問遠遊，他鄉萍梗漫淹留。
盲風恠雨蛟龍喜，荒楚寒蕪燕雀愁。
天上古今星北拱，人間日夜水東流。
誰能走報西王母，乞與還丹駐黑頭。

層樓迢迢俯清郊，天際群山檻外交。
日暖水禽鳴哺子，風輕沙燕語尋巢。
綠荷雨洗藏龜葉，翠竹烟寒集鳳梢。
可嘆仲宣歸未得，苦吟終日倚衡茅。

夏至陰生景漸催，百年已半亦堪哀。
茸鱗不入龍影夢，鐵羽

何勞燕雀猜，雨砌蟬花粘碧草。
風簷螢火出蒼苔，細觀景物宜消遣。
寥落兼無濁酒杯。

菱葉荷花漸滿池，紅榴綠篠正相宜。
天邊日出園葵覺，地底雲生柱礎知。
長夏未應炎暑過，薄寒恰似晚秋時。
朝來苦恠雙青鬢，輒向風前學素絲。

夏日訪王友文留飲贈詩

長夏園林白晝閑，高軒留客雨漫山。
傾壺竹葉沉沉綠，落樹楊梅顆顆殷。
檻外新荷搖水佩，簷前弱柳舞風鬟。
醉來帶月浮舟去，忘却塵埃世路艱。

題江村風雨圖

日落千山風雨來野昏林黑鳥飛迴風吹烟霧連天起雨送
雷霆入地回龍母鮫綃雲半濕巫娥貝闕夜深開暮寒燕子
歸華屋愁絕餘花委碧苔

次韻和岳季堅見寄

塵埃不見望諸君江海誰憐鄭廣文雪裏一筇穿虎出竹間
半榻與僧分無人問字朝眠穩有客論詩夜坐動豹裘羊裘
等黃土金章紫綬漫浮雲

次韻和天童良上人見寄

不辭塵匣掩青萍願見天邊隕盜星白日有時容黑子紫微
終古照玄冥輕風淪雪歸蘭汜細雨涵春入草亭但得此身

疆健在江山相見眼長青

靈峯寺松風閣

靈峯寺閣倚松風風細松高閣更空何處流泉生石上有人
鳴玉下雲中花飄霧露春香滿影動龍蛇曉日融安得身如
列禦寇翩翩高舉出冥鴻

次韻高則誠雨中三首

短棹孤蓬訪昔遊冷風淒雨不勝愁江湖滿地蛟螭浪杭稻
連天鼠雀秋莫恠賈生偏善哭從來杞國最多憂絕憐窓外
如珪月只為離人照白頭

霖雨蕭蕭泥客途歲華冉冉隙中徂不知燕趙車千乘何似

高印飯一盂露冷芙蓉捐玉佩天寒蕙苴結明珠東鄰艇子
如堪借去釣松江巨口魚

吳苑西風禾黍黃越鄉倦客蒼衣涼楸梧夜冷烏驚樹霜露
秋清蜂閉房天上出車無召虎人間賣卜有王郎干戈滿日
難回首夢到空山月滿堂

次韻和譙上人秋興七首

一自中原萬馬奔江淮今有幾州存龍韜豹略癡兒戲穰李
天桃猛士門廢壘秋風銷戟骨荒郊夜雨泣冤魂江湖愁絕
無家客佇立看天淚眼昏

東海波濤激迅颺西風氛霧虎狼驕高牙畫戟尊方伯繡段
黃封出內朝無客金戈椿鑿齒有人玉帳舞弓腰武陵日暮
桃花盡何處林泉可採樵

霜飛大野氣淒清日落荒村少客行投筆班超空食肉登樓
正粲獨傷情海壖雨翳旌旗影淮甸雲埋鼓角聲中夜起瞻
天北極鬢毛蕭颯憶神京

浙江流水繞東吳佳麗猶傳故國都紅錦漫山春雨後黃雲
壓樹曉霜餘嬌鶯逐暖歸牙帳征鴈衝寒送羽書惆悵南園
釣舟子蒺藜滿地不勝鋤

繡幕香幃隱日華金鞍玉轡巧矜誇深山霧雨驅生虎大海
波濤虺作蛇櫟檄有枝寒集鵲梧桐無葉夜啼鴉涼風嫋嫋

吹游子何處松楸是汝家
故鄉知已不曾逢滿目雲山恨萬重
斥堠霜清寒夜柝譙樓
風急曉城鐘此時遶樹憐烏鵲異縣携家想駟螭獨向晴簷
問梅藥數枝和雪為誰容
江上悲風起白波山中芳草奈愁何紫菱青荇鮫人舞翠藟
蒼藤木客歌曠野煙塵迷虎兇長亭泥濘沒驪駒濁河日夜
東流去腸斷霓旌影馭娑

法華山弘上人

可愛寒潭似鏡清清光寒氣襲軒楹草根流水泠泠出石上
潛魚箇箇橫翠藹驚風和露滴白沙得雨照人明故鄉近報

猶豺虎愁對滄浪詠濯纓

自天衣還城贈伯言

城上餘寒曉氣凝湖邊春樹綠層層一山獨表秦王望衆水
皆朝夏后陵白眼嗣宗終嗜酒青鞋子美謾尋僧仙都石室
烟霞裏早晚相携策瘦藤

為黃元微題畫松

黃子宅邊松十尋兩株相倚自成林半空鸞鳳翻清影長日
笙竽奏好音豈但茯苓能却老更有琥珀可安心風塵瀕洞
還相憶寫掛高軒恨最深

秋感

日白天青木葉凋雲山漫漫故鄉遙石床墜露珠光動碧砌
幽花玉色銷十載故人俱土壤五更歸夢負漁樵懷來憶往
成惆悵蔓草羈蟲對寂寥

悼廢圃殘菊

舊菊將蕪尚有根高秋相顧耿無言芳心不共青莎死生態
猶欺白露繁要待靈均餐落蓋從教元亮耻空尊何人解識
淒涼意分付寒螿仔細論

侍宴鍾山應

制 侍蘭州方奏捷

清和天氣雨晴時翠麥黃花夾路岐萬里玉關馳露布九霄
金闕絢雲旗龍文駿裏驂鸞輅馬乳蒲萄入羽卮衰老自慚

無補報叨陪儀鳳侍 瑤池

題李息齋墨竹

李侯貌出蒼筤竹葉上湘妃淚未乾烟雨晝迷丹鸞鷺霜風
秋勁碧琅玕脩莖擬截伶倫管和氣潛驅嶰谷寒此意祇令
誰賞識高堂素壁靜時看

雲門寺作

若耶溪頭過新雨雲門寺前芳草長好將薜荔紉衣帶更取
辛蕘結佩縑綠鬢朱顏非昔日茂林修竹是他鄉東風且莫
吹花盡遠客傷春易斷腸

次韻和朱伯言自雲門之天衣途中作

即看梅蕊發江南漸見柔条可浴蠶日鑄雨餘峰似鬢雲門
煙合樹如藍青猿不避游人過碧澗能消宿酒酣况有山僧
頗解事何妨聊駐使君驂

送陳子晟省親歸連江

連江此去三千里綵服趨庭及早春閩嶺白雲迎馬首建溪
碧水換龍鱗題橋免穎留南徼戀

闕丹心照 北辰鶴髮正須三釜養鳳城雨露四時新

送黃生 涖祀福建

九重發政懷川嶽使者承 宣下 紫宸玉瓚黃流敷帝澤
碧雞金馬出神珍風清五嶺烟霞肅春到三山雨露勻歸路

武夷溪九曲棠梨花映綠楊津

即事

春半餘寒似暮秋掩門高坐日悠悠樹頭獨立知風鵲屋角
雙鳴喚雨鳩芳意自隨流水逝華年不為老人留浮花冷葉
休相咲自古英賢總一漚

遣興

江上潮來風捲沙城頭畢逋烏尾訛燕泥半濕昨夜雨蛛網
忽粘何處花孤坐日月自閑暇出門岐路空交加漫將白髮
對芳草目送去鴻天一涯

乙卯歲首早朝

奉天殿東翰林 大本堂諸友

枝上鳴嚶報早春 御溝波澹碧龍鱗
旂常影動千官肅 環珮聲來萬國賓
若乳露從霄漢落 非煙雲抱翠華新
從臣才俊俱楊馬 白首無能媿老身

元夜

玉漏遲遲出苑牆 星河疎淡月輝煌
送寒梅蘂清香細 報喜燈花紫燄光
金闕曉霞來若木 瑤池春色滿長楊
君王注意防驕佚 萬歲千秋樂未央

次韻和劉彥箕憶山中篇

句曲峰高倚太陽 不風巖谷自清涼
四時嵐彩霏瓊雪 百道泉流湛玉霜
雅稱采芝追綺季 尤宜散髮學嵇康
龍鱗錯認當徑鳳 尾襪褫竹過墻月
上海門壻早覺露 寒天宇鶴先嘗
仙人卓劍降魑魅 道士書符禁徭徭
寶氣丹光生夜寂 黃精白木引年長
茅君虎卧瑤壇上 蕭史鸞棲碧殿旁
桂樹寒山遠 謝客桃花流水憶
劉郎猿狖任占青 蘿帳薜荔從生綠
石床世難有身空 自累詩成無鴈倩
誰將欲憑錦瑟傳幽思 才理朱絃意已忘

彭澤阻風

風急雲飛江倒流 請君聊且駐蘭舟
浪翻彭蠡蛟螭橫 雲壓匡廬虎豹幽
懷古謾尋元亮菊 望鄉空倚仲宣樓
五更歸夢

三千里一日迴腸九萬周
鷗中元都府神官會上界
關東北鎮陽侯兩峰對擁
青螺髻孤月初生白玉鉤
龍甲冷欺寧蜃市蚌胎光
奪睡龍眸春撞急杵濤驚
枕滴瀝真珠霰酒凋枯樹
掛崖眠復起老藤牽石墜
還留宮商調合靈鐘夕
鏘鏘稜高峭壁秋繡被焚
香寒悄悄金環扣瑟夜悠
悠竹枝寫恨傳巴女木客
長吟荅楚囚不寐殘缸猶
閃滅動情鳴櫓數啞謳蒼
梧鳳逐重華去赤水珠無
罔象求大宅高門荒町
曠頽垣敗塚鬧鶴鷄塵埃
漠漠城笳怨蘆葦蕭蕭戍
鼓愁鬼火碧穿燈火去狼
烟黃入燒烟道紫芝可茹
林多蟻紅鯉堪

曾澤有亂萬國鋤犁俱劍
戟八陵松柏讓戈矛哀哀
野哭乾坤添踽踽途行面
目醜永憶盧敖翔汗漫願
隨慧遠學清修瑤臺青鳥
歸何處玄圃琪華爛莫收
滄海未容精衛塞蓬萊
定許僂佺遊故園梅蕊相
將發倚賴春陽慰白頭

太師誠意伯劉文成公集卷之十六終



